

6

VITA.
BERNARDI
GILPINI, VIRI
SANCTISSIMI, FA-
MAQVE APVD AN-
GLOS AQVOLINARES
CELEBERRIMI.

A Reverendo in Christo Patre
GEORGIO CARLETONO Episcopo
Cicistrensi fideliter conscripta, et in gratiam Popu-
larium suorum, à quibus iamdiu vehementer desi-
derata est, in publicum edita.

In memoriâ aternâ erit iustus. Psal. 112. 6.

*Memoria iusti benedicta erit, nomen autem impij pu-
rescet, Prov. 10. 7.*



LONDINI,
Excusum per Gulselmum Iones: 1628.



GEORGIVS CARLE-
TON, EPISCOPVS CICISTREN-
SIS, GVILIELMO-BELVSSIS,
Equiti aurato, Salutem in Christo
præcatur.



*Si in Ecclesia multi essent, qualis vnus
erat Gilpinus, non existimarem ope-
ra pretium memoriam huius viri alijs
commendare: nunc vero cum paucis-
simos, aut si quod sentio dicam, nullos viderim qui
normam pietatis et sanctimonie tam rare secutus,
exemplar alijs ad beatam vitam properantibus tam
illustre proposuit, tam egregie sustinuerit, sic sen-
tio, exemplum tale bonis pietatis igniculos additu-
rum, vt formam tam perspicuam sequantur, si forte
non assequantur. Exempla huiusmodi insignis pie-
tatis in sanctis antiquis multa audiuimus, & in scri-
ptis eorum frequenter legimus, sed in hominibus no-
stri seculi non inuenimus: tantum enim absumus ab
hoc zelo in pietate promovenda, vt iam metuendum*

EPISTOLA DEDICATORIA.

fit, ne vera religio quondam cum magno studio & gaudio suscepta, nunc à nonnullis cum fastidio reiecta, tandem subruatur: etenim experientia seculorum anteaكتورum satis nobis hanc veritatem confirmavit, profanos mores religionis ruinam secum traxisse, ut ne dubitemus deinceps etiam tracturos. Non dubitamus in tanto antiquæ sanctimonie caligine, Gilpini vitam euolaturam, sicut noctuam inter alias aves, multis inuisam. Nec idcirco supprimendam puto, habeant alij quod mirentur, alij quod illudant, alij quod imitentur. Tu vero vir inter paucos præstans habes quod votis multis desiderasti. Scriptum hoc multos iam annos apud me delituit, editionem diutius distuli consulto ne forte se lesos querantur, qui ab hac sanctimonie forma procul abesse videntur: sed mei instituti erat neminem ledere, omnes quantum in me est iuvare. Si quis se hoc scripto adiutum sentiat, hoc tibi debere se agnoscat, qui sollicitatione tua hoc qualecunq; scriptum à me extorseris. Cumq; eo loci degas in qua Gilpini vita tota et virtus optimè nota sit, cumq; tam enixè hoc à me efflagitaris, quis dubitare potest præstantem virum esse oportere qui tanto studio Gilpini memoriam conservandam procuraverit? Hic tuus insignis animus coegit me, ut tuo nomini hanc opellam dedicarem, ut & religiosi animi tui in Gilpinum, & amoris in te mei testimonium extaret. Vale



Vita BERNARDI GILPINI.



Bernardus Gilpinus natus *Kentmiræ* in comitatu *Westmorlandiæ*, Anno Domini 1517. Ex antiqua familia et clara. Patrem habuit *Eantrium Gilpinum*. *Edmini* frater senior occisus erat in prælio apud *Bosworth*. Qui quintus erat hæres à *Richardo Gilpino*, qui tempore Regis *Iohannis* donatus erat agro illo *Kentmirano* à Barone *Kendalæ* pro meritis egregiis in bello et in pace. Hic *Richardus* est ille qui aprum sylvestrem occiderat, qui in montibus proximis tanquam aper *Erimanthi* furens, plurima damna populis intulerat. Hinc est, quod in armis Gentilitijs *Gilpini* gerant aprum. Matrem habuit *Margaretam*, filiam *Gulielmi Laton de Dalaman* in *Cumbria*, ex antiqua familia, et bellicoso illo sæculo illustri, ex qua plures equites viri fortissimi prodierunt.

Bernardus vix infantilem exuerat ætatem, quum futuræ sanctimonix indicia quædam ediderat: fraterculus quidam circumibat victum quæritans, et ut animos hominum peliceret ad beneficentiam, concionandi zelum quendam ostentabat. Erat hoc hominum genus sordidum, et improbum. Quidam eorum habere satagebant formam pietatis virtutem eius abnegantes. Alij ne formam quidem retinuerunt. Hic erro domum *Gilpini* patris accesserat die Sabbati, quasi cra-

fino die Dominico concionaturus. Susceptus erat sa-
 tis liberaliter: Nam ex istis locutulis offendere quen-
 quam erat placuum. Bonus frater inter cœnandum
 ingluviem inuitabat, et potandi finem bellua non an-
 te recerat, quam ebrius pudendum spectaculum tam
 castæ, sobriæq; familiæ prabuisset. At crastino die
 veluti sanctulus de coelo subito lapsus ad concionem
 populum conuocat. Inter concionandum bona quæ-
 dam verba eructans, contra vitia quædam excandef-
 cere, adeoq; etiam contra ebrietatem ausus fuit into-
 nare. *Gilpinus* puerulus qui tum loqui cœperat, post-
 quam iniuriam hominis fœditatem ex hesternâ cana
 collegisset, nunc audiens belluam intonantem contra
 illa vitia, quæ ipse perpetrauerat, sicut erat prope ma-
 tris gremium in templo, exclamat subito his verbis:
 Mater audin quomodo iste contra ebrietatem loqui
 audet, qui erat in nostra dōmo hesternâ nocte ebrius?
 Mater puerios manu opposita impetire properat, ne
 plura effunderet. Parentes pueri ingenium ex varijs
 indicijs perspicientes, eum bonis litteris sedulo edu-
 candum curarunt. Condiscipulum habuit *Erasmum
 Arminum*, quem propter ingenium et spectatam probi-
 tatem potius colebat. At reliquos omnes *Gilpinus*
 ingenij acrimonia longè post se reliquit. Itaque cum
 laude decurso in schola tyrocinio, a parentibus, qui
 iam spem magnam conceperant de filio suo, mittitur
Oxoniam. Tunc temporis *Oxonij* erant omnia in li-
 teris, et religione turbata et barbara rubigine obduc-
 ta. Agebat *Gilpinus* annum decimum sextum, quum
 se *Oxoniam* contulerat. Is erat annus Domini 1533.
 In Reginensi collegio susceptis mirificè in bonis litte-
 ris profecit. In operibus *Erasmi* studiosius hærebatur, si-

ut omnia illius sæculi ingenia bona. Ad dialecticæ, et Philosophiæ cognitionem sedulo ferebatur, in quibus excellere videbatur, et in scholis dominari. Addidit humaniores literas, Græcæ, et Hebræicæ linguæ peritiam singularem, in quibus literis *Nell* opera, et amicitia utebatur, cum *Gilpino* ex studiorum similitudine familiaritas intercesserat. Is erat locus collegij Noui, et postea Hebræicarum literarum professor *Oxonij*. Post aliquot annos in his studijs gnauiter collocatos, ita clarus *Gilpinus* charusq; suis *Oxonensibus* esse cæperat, ut nullum literarum primum videretur, quin infra *Gilpini* virtutem sublederet. Quarebantur tum doctiores atque insigniores viri qui Eodem Christi nouiter tunc *Oxonij* inchoatam complere, et bonarum literarum laude ornare possent. Inter eos imprimis ascriptus erat *Gilpinus*. In religione veritatem, et sinceritatem non tum obtinuerat, qui in traditionibus Ecclesiæ Romanæ fuerat institutus: Neque enim religionem et pietatem ad verbi diuini normam, sed ad paternas et per manus susceptas traditiones pleriq; tum temporis reuocabant. Harebat aliquamdiu animus ad sancta compositus, in tenebris, et præiudicijs interceptus non sine aliqua antiquitatis ymbra sub superstitionis onere lectabatur. Fort or aduersus vitia, et sordes, quam aduersus paternas traditiones. Itaque tum temporis magnum causæ Pontificiæ momentum videbatur *Gilpinus*. Disputabat publicè contra *Iohannem Hooperum*, qui postea Episcopus *Wigorinensis* erat, ac tandem gloriosus Christi Martyr. Mortuo Rege *Henrico octauo*, qui iam *Edwardus sextus* regnum obtineret, eius munificentia et pietate adductus *Petrus Martyr Oxonij* sacras literas coëbat. Hinc obsistere

nitebantur sophistæ *Chelſæi*, *Morgani*, *Welſoni*. Qui *Gilpinum* etiam cupiebant ad lucere, ut Martyri maiorem ex eius consilio et auxilio crearent in ſelectia n, atque ea res tandem eo devenerat, ut *Gilpinus* productus fuerit ad diſputationem contra *P. Martyris* poſitiones. Ex quo conſiſtēti *Gilpinus* ut cauſa n ſuſceptam tueretur, accuratius capit Scripturas et Patres antiquos excutere. Quoque maiori ſtudio ad ſuſceptum cauſæ patrocinium incubuerat, eo minorem cauſæ fiduciam habere ceperat, putabat ſe pro veritate decertaturum, quā inuenire pro virilic itabat. Sed dum veritatem ardentius quaereret, paulatim agnoſcere cepit errores ſuos. *P. Martyr* ſubinde proſiteri ſolebat ſe non multum moneri de *Welſoni*, *Morgano*, aliſq; ſi nilibus: At de *Gilpino*, inquit, vehementer commoveor, qui ſincero animo omnia agit et loquitur. Reliqui de ventre ſuo videntur ſolliciti, leviffimi homines ambitionis et cupiditatis quaſi vento feruntur. At *Gilpinus* morum gravitate et laudabiliſſimæ vitæ teſtimonio ſubnixus, cauſa n quam ſuſcipit virtute ſua cohonestare videtur. Sapiusq; Deum orabat ut *Gilpini* animum ad omnia honeſti ſtudio compoſitum ad veritatem tandem convertere dignaretur. Valuit *P. Martyris* oratio apud Deum. Nam ex eo tempore non ſubito, ſed ut ipſe fatebatur, pede tentim ad veritatis agnitionem acceſſit. Magnam *Oxonienſibus* lucem intulerat *Martyr* ad veritatem Theologiæ, et ad humaniores literas illuſtrandas. *Gilpinus* ex eo acius ſtudio, et precibus incumbere ſtatuit, ut veritatem inveſtigaret. Itaq; controuerſiam quæ inter ipſum et *Hopperum* fuerat, ſcriptis etiam mandare conſtituit. Sed in ea controuerſia explicanda dum accuratius ea verſat quæ refutare decreuerat, dum alii.

us rimatur, et ad Scripturæ autoritatē Ecclesiæ instituta reuocat, sine qua nec Ecclesiam aliquam esse cognoscebat, sensit se facile victum, et à veritate vinci gaudebat. Scripta illa inter *Gilpini* scrinia reperta, ingenium confessionem & veritatis viam, adeoque misericordiam diuinam in eius conuersione declarant. Dum religionem Pontificiam accuratius examinaret, plurimos errores in Ecclesiam irreplisse coactus est agnoscere, qui salutis negotium impediunt et obscurant. Adeo ut ijs, qui sicut iustitiam et veritatis cognitionem, magno sint offe diculo. Videbat plurimis sanæ doctrinæ corruptelas & commutationes: de septem sacramentis ante *P. Lumbardum* magnam silentium reperire: carnæ Dominicæ vsum sub vna tantum specie contra expressas Scripturas tradere: transubstantiationem à scholasticis confictam esse. In Sacramento doctrinam operis operari non per natam: Missam ex sacramento in sacrificium conuersum: In Ecclesia vbi omnia ad ædificationem populi instituta sunt, omnia contra ædificationem populi in lingua ignota peragi: imaginum adorationem institui contra expressum præceptum Dei. Dum istis cogitationibus distraheretur, ecce in concilio *Tridentino* regula fidei immutata perculsit eius animum. Nam ex antiquis scriptoribus adeoque etiam ex recentibus, *Lumbardo*, *Scoto*, *Aquinatē*, et similibus observauerat, regulam fidei tantum è diuinis Scripturis petendam esse: at in concilio *Tridentino* videbat traditiones humanas æqualem locum paremque auctoritatem cum verbo Dei obtinere. Cumque intelligeret traditiones istas nihil aliud esse, quam peruersas et inuectas sacrarum Scripturarum interpretationes, à Pontificibus Romanis excogitatas, et inter Decretales epistolas insertas, tum De-

cretales illas epistolas omnino supposititias esse, quod multorum eruditorum virorum testimonijs probatur, ipsorumq; adeo Pontificiorum confessione, vt indubitatum agnoscitur: tanta rerum confusio his posterioribus sæculis orta in Ecclesia, *Gilpinum* ad veram pietatem anhelantem, eo tandem adegerat, vt subdubitare cæperit, Papa ne sit Antichristus ille in Scripturis prænuntiatus. Ecclesiaq; Pontificia, plane Antichristiana. Nam quid est sese efferre et opponere aduersus quicquid dicitur Deus aut numen: adeo vt in templo Dei tanquam Deus sedeat præ se ferens se esse Deum? Si hoc non sit quod Papa sit vniuersalis Ecclesiæ caput, Dominus, Monarcha, et tanquam Deus: quod verbum Papæ defendatur esse tanquam verbum Dei? Nam cuius verbum est tanquam verbum Dei, quomodo is non erit tanquam Deus, et sese opponens Deo, et præ se ferens quod sit Deus? Verbum autem hæc, quod dicitur verbum Dei non scriptum, est ex impurissimis lacunis illis Decretalibus ortum, hoc est, ex supposititijs, et falsis scriptis confarcinatum. Atque hoc verbum quod nullo modo est comparandum verbo honesti viri, est verbum Dei non scriptum, pari pietatis affectu cum sacris Scripturis suscipiendum. Numquid Antichristus cum venerit (si quis alius adhuc venturus sit) maiore Christum, et sacras Scripturas iniuria aut blasphemia afficiet, quam Papa facit? Hic tandem lubinde suspensus hærebat. Nam quis putaret Papam esse Antichristum? Quis hoc dicere auderet ante *Mart. Lutherum*? Sic igitur secum ipse versabat. Si Papa sit Antichristus, video non solum probabiles sed et necessarias causas discedendi ex Ecclesia Pontificia: Sin papa non sit Antichristus, non video satis firmam discedendi

cedendi causam. Discedere ab Ecclesia non licet; discedere ab Antichristi Ecclesia non solum iubemur, verum etiam horrendam Dei viui iram, et minas fulminatas videmus in eos, qui in *Babylone* illa Antichristi synagoga permanferint: Quum coelestis vox dicat, *Apoc. 18. Exite ex ea Popule mi*, et denunciatur accepturos ex plagis eius, quicumque participes fuerint peccatorum eius. Hic igitur hærebit aliquandiu: Quia nisi papa proderetur Antichristus, non videbat quomodo deferere Ecclesiam illam potu flet diu; quærendo, legendo, olando, meditando in hoc incubuit vt veritatem indagaret. Ex antiquis patribus *Tertulliano, Hieronymo, Ambrosio, Augustino, Chrysostomo, Cyrillo*, aliisq; observabat, locum illum quo describitur *Antichristus, 2. Thess. 2. Id quod nunc teneat, tenebit donec de medio tollatur*: sic exponi vt de Romano Imperio intelligatur? vt imperium Romanum quod tunc tenebat, teneret locum suum, donec Antichristus venerit qui Romani imperij sedem sit occupaturus. Deinde cum eodem loco dicitur non prius venturum Christum, quam venerit discessio, hoc etiam similiter implerum observabat. Discessionem immanem factam videbat Ecclesie Romanæ a primitiva simplicitate et veritate. Deinde alteram etiam discessionem non minus manifestam Ecclesiarum scilicet reformatarum ab Ecclesia Romana.

Gilpinus dicere solebat Ecclesias protestantium non aliam firmam et solidam suæ discessionis rationem reddere potuisse præter illam, papam scilicet esse Antichristum. Nam ab Ecclesia Antichristi discessionem mandatam intelligebat ex monito illo coelesti: *Exite ex ea popule mi, ne participes sitis peccatorum eius, et ex plagis eius accipiatis: Apoc. 18. 4.* Quo loco *S. Iohannes* disertè

diserte prænuntiat populum Dei euocandum fore ex Ecclesia Antichristi: nihil tertium hic reliquum, vel Romanam Ecclesiam non esse deferendam, vel papam pro Antichristo habendum; e cuius Ecclesia, Dei Ecclesia eoe illi voce, et mandato euocatur. Iam vero hæc omnia, euentus, qui est prophetiarum interpres nobis certissimus comprobauit. Multis iam sæculis vidimus regnum illud quod Apostolorum temporibus obtinebat e medio sublatum. Et in eius loco regnum Ecclesiasticum erectum quale sæculis antecessis in Ecclesia nunquam fuerat visum. Vidimus horrendam discessionem Ecclesiæ Romanæ ab antea qua Ecclesiæ puritate et virtute. Vidimus et quotidie videmus populum velut coelesti voce vocatum, exeuntem e *Babylone*, id est, ex Ecclesia Antichristi. Oculi nostri vident hæc completa, quæ totis sæculis ante hæc tempora prædicta legimus. Hæc *Gilpini* animum vehementer mouerunt, vt Ecclesiam in verbo Dei monstratam sequeretur. Ecclesia Romana regulam fidei integram seruabat, antequam in *Tridentino Concilio* regula illa fuerat mutata. Tum necessario videbatur exeundum ex illa Romana Ecclesia, vt vera et euocata illa Ecclesia sequeretur verbum Dei. Hæc enim euocatio, peculiarem Ecclesiæ conditionem videbatur designare. Sic euocatus *Abraham* ex *Fr Chaldeorum*, euocatus *populus Israel* ex *Egypto*, euocati *Iudei* ex *Babylone* post captiuitatem *septuaginta annorum*: ac tandem ad illam formam euocata Ecclesia reformata ex *Babylone* mystico, siue Ecclesia Romana. Hæc admirando Dei consilio et potentia manu confecta videbantur. Igitur exeundum necessario videbat et Ecclesiam illam Apostaticam deferendam. Verum hæc non impetu, sed lento molimine egit.

Interea

Interea *Cuthbertus Tonstallus Dunelmensis* Episcopus *Gilpinum* suis sumptibus ad exterarum Ecclesiarum visitandas mittere decreuit. Erat *Tonstallus* matris *Gilpini* avunculus. Sed antequam peregrinatio proficisceretur euocatus ad aulam concionem habuit coram Rege *Edwardo* sexto de Ecclesiarum rapinis. Concio illa publice typis excusa extat. Deinde ad peregrinandi studium se contulit. Amicorum cura sacerdotium ei collatum erat. Illud sacerdotium *Tonstallus Gilpino* retinendum suadebat, ut impensas itineris facilius toleraret, honestiusque sese ac liberalius exciperet. At *Gilpinus* cum paruo temporis spatio sacerdotium retinuisset, ante profectioem amicum quendam ad se vocavit, quem hominem pium et doctum, et in sacri ministerii functione impigrum cognouerat, huic sacerdotium ipsi non multo ante collatum, resignatione sua conferendum procuravit. Quod ut resciverat *Tonstallus Gilpinum* increpat. Ego, inquit, tui curam gero, et tu curam meam meam tanquam inutilem proiicis. Sed ego prae-moneo quod tu his artibus mendicus morieris. *Gilpinus* primo verbis officiosis Episcopi optime de se meriti animum placare studet. Deinde subiungit, se sacerdotio renuntiasse necessario, quod quieta conscientia retinere non potuerat. At, inquit, Episcopus cum dispensatione retinere potes, et tecum in hac re dispensabitur. Respondit *Gilpinus*, at qui Diabolus nulla dispensatione, aut ullis vinculis retinebitur, quin me absente in populi mihi commissi perditionem ruat. Et vereor quam mihi sit inanis responsio, apud Deum villicationis meae rationem exegentem, si dixerio mecum dispensatum fuisse dum Diabolus disperderet. Qua responsione Episcopus videbatur offensus. Sed

perfecta sancti animi sinceritate *Gilpinum* in maiori honore cepit. Minabatur tamen sæpius, sicut *Gilpinus* referre solebat: per patris animam, quo verbo Episcopus familiarius uti consuevit, eum moriturum mendicum. Profectus est primum *Machliniam* ad *Georgium* fratrem ipsius literis eo vocatus, deinde agebat *Louanij*, *Antwarpie*, et *Lutetie*. Postquam ex *Anglia* discederet, accepit literas a *Georgio* fratre quibus monitus erat, ut fratrem *Machlinia* conveniret. Quia quædam haberet ipsi coram communicanda quæ literis expediri non facile possent. Itaq; *Machliniam* ad fratrem properavit. Postquam congressi fuissent, intellexit *Gilpinus* causam quare eo vocatus esset, nihil aliud fuisse, nisi ut a fratre persuaderetur sacerdotium excipere, quo aleretur dum exteris Academiis lustraret. *Gilpinus* in angustiis interceptus videbatur, noverat se nuper Episcopi animum hac de re offendisse, videbat Episcopi consilio hoc negotium a fratre *Georgio* agitatum. Tandem literas ad *Tonstallum* Episcopum in hæc verba transcripsit.

Domine mihi plurimum honorabilis, omniq; officio mihi colendæ, Amplitudini tue celandum non existimavi fratrem meum nuper mihi scripsisse, ut omni excusatione postposita ipsum Machliniæ convenirem, habere se quæ mecum agat de necessarijs rebus, quæ literis expediri non possent. Quam conveniremus intellexi nihil aliud esse nisi ut temeraret an sacerdotium suscipere velim, dum interea me in Academiæ studio continerem. Quod si hanc profectus causam presentissem, non arbitrarer necesse, studium meum interruptum iri, ut Machliniam proficiscerer. Hoc enim cum omnibus doctis iam mihi discussum fateor, maxime vero cum Sanctis Prophetis, et antiquissimis pûssimisq;

à Christi saculo Scriptoribus, quod mihi fiducia firma manes, quamdiu vixero nunquam conscientiam meam ex ea releverare; nec sacerdotium ea conditione suscipere, ut interrim absens ab eo sim. Ille mihi retulit dominationem vestram ad ipsum scripsisse, libenter velle in me sacerdotium conferre, vestramq; dominationem, ceterosq; amicos meos, inter quos unus ipse fuerat existimare me nimis scrupulose conscientia in ea re fuisse. Ad quod respondi. Si scrupuliosior sim (quod ego non puto) res tamen est eius generis, ut malim in ea re paulo strictior esse quam conscientia mea frenum laxare. Quandoquidem mihi semel persuasum est, offensionem Dei me non incursum vitando sacerdotium tale, cui non possum residentiam prestare. Quamdiu de alijs non male iudicem. Quod me facturum spero. Imo pro omnibus qui curam habent animarum quotidie Deum oro, ut cura sibi commissæ ita possent Deo rationem reddere, ut et Dei gloriæ maxime cedat, et Ecclesiæ edificationi. Dixit ille mihi: Noluisse dominationem vestram sacerdotium mihi conferre, quin ut Ecclesiæ prospicietur tam bene, ac forte melius me absente quam si presens essem. Ad quod respondi me non dubitare quamplurimos in Angliâ esse multo præstantiores, qui curam suscipiant, quam ego sim. Ac proinde illud imprimis opto, ut illi et officium, et beneficium retineant, ut et animas, et corpora pascere possint, sicuti omnes pastores teneri arbitror. Quod vero ad me attinet, non possum conscientia mea persuadere, ut commodum ex eo suscipiam, in quo alij labores suos ponunt. Nam si alius tanta fide atq; industria doceret, et predicaret, quanta S. Augustinus non tamen existimare possum me aliorum laboribus exoneratum. Quod si conscientia mea vim intulero, ut ea conditione vel hic, vel in alia quacumq; Academia manerem, conscientia inquietudo

nonominino permitteret, me in studijs proficere. Hoc tempore Deo gratias ago, gratum in studijs quiescent mactus suis prope fratrum minorum ministerium, ita ut ad egregiam fratrum bibliothecam quicquid videri libere possum accedere. Vxor familiaritate doctissimorum virorum, nec unquam maiori discendi studio tenebar. Proinde quum ex Georgio fratre meo intelligam dominationem vestram porro etiam de sacerdotio mihi conferendo cogitare, (que res studia mea interromperet,) audaciam (umpsi singularem, (dominationis vestre benevolentiam cognisim, ac perspectam habens) qua mentem meam libere bonitati vestre aperirem. Humiliter obsecrans ut dominatio vestra permittere velit me liberam ab Ecclesiastica cura vitam agere, quo quietius studijs incumbam. Et quoniam intelligo dominationem vestram sollicitam esse, qua ratione mihi prospectum esse posset, si Deus vestram dominationem iam esset grauem, ex hoc mundo vocet, ne se illa cura moueat obsecro. Num si ad necessitatem relictus fuero, non dubito me breui tempore lecturam aliquam obtinere posse: vel in hac Academia vel alibi, ubi tempus non frustra impendam, que vite ratio magis mihi placet, quam si sacerdotium susceperim. Christum preor dominationem vestram custodiat. Lovanii, 22. Novemb. 1554.

Hactenus Gilpinus. Ecquis ex hodiernis nostris hiantibus corvis sacerdotia maiore artificio acquireret, quam hic vitare laborauerit? Tum temporis, cum primum ad transmarinas regiones migraverat, agebat plurimum Louanij, deinde Lutetiam profectus est.

Dum esset Lutetia, curabat Tunstani Episcopus, ut liber quem tum temporis scripserat, de veritate corporis, et sanguinis Christi Domini in Eucharistia, Gilpini diligentia excuderetur. Scio Pontificios quosdam

Gilpinus

Gilpinus obieciſſe, quod ab eo opus illud corruptè deprauatum eſſet præter autoris ſententiam. Me etiam audiente dum poſthæc *Houghtone* ſub *Gilpino* literis operam darem, *Franciſcus wickleſus* admonuit *Gilpinum* de rumore deprauatæ æditionis. Ille quum variis rationibus diluiſſet hanc ſuſpicionem, tandem protulit literas *Cuthberti Tunſtalli* in quibus maximas ei gratias egit Episcopuſ, quod opus illud ſumma fide ac diligentia ab eo eaderetur.

Lutetia Gilpinus in ædibus *Vaſcoſani* agebat. Cum viris doctis contulit. Dum doctorum ſententias quæreret de ijs rebus quæ ipſius animum permouerant, ita plurimum respondebant illi, non vt pacem conſcientiæ ſpectarent, quam ille viciè quærebat: ſed vt Eccleſiæ traditiones firmarent: Erat tum *Lutetia Nelus*, quo cum liberius agit *Gilpinus*, vt vtriq; ad veritatem aspirarent. Erat inter eos fortè Sermo de cultu imaginum. *Gilpinus* grauiter commouebatur, quod Idololatriam verbis quidem Pontificij damnarent, et tamen populi paſſim permitterent cultum imaginum. Quærebat quo conſcientiæ ſolatio quis poſſet incurvare ſe coram imagine, et nonne, inquit, hæc eſt idololatria prohibita in ſecundo præcepto decalogi? Hoc ex eo quærebat libentius *Gilpinus*, quia obſeruauerat hominem pertinacius hærentem in Pontificijs placitis. Reſpondit *Nelus* diſtinctione vſitata de idolo, et imagine. Imagines Sanctorum non eſſe idola. Ac proinde nec venerationem imaginum eſſe idololatriam. *Gilpinus* ſubintulit, in ſecundo decalogi præcepto non eſt idoli mentio. Sed prohibetur incuruari ad ſculptile, aut ad aliq; unum ſi in lucidinem eorum quæ ſunt in cœlis, vel in terris, vel ſub terris. Voicunq; ſiut prohibetur

prostratio ad similitudinem eorum. Et quid facit idolum? scaber fingit similitudinem hominis cuiuspiam, fabricata imago non est idolum. Sed cultus facit idolum. Itaq; Apostolus dicit, *idolum nihil esse, quia unus tantum Deus est*. In cogitatione colentis videtur esse aliquid, sed id quod cogitatio colentis apprehendit, reuera nihil esse in mundo. Itaq; idololatria est cultus Deo debitus creaturæ exhibitus. Qui vero inter orandum incurvant se coram creatura quacunq; exhibent creaturæ cultum Deo debitum. Divinum mandatum prohibet, ne faciant sibi sculptile, aut similitudinem alicuius creaturæ. Faciunt sibi qui faciunt in religiosum hunc usum, prohibet etiam ne se incurvent coram tali creatura: Nam qui sic faciunt, creaturæ serviunt, eamq; colunt. Frustra est hic distinctio in Latriam et Douliam, (quæ verba idem planè significant;) quia distinctio illa tollitur per expressa mandati verba, non incurvabis te eis. Prohibetur incurvatio, quod tamen passim fieri videmus. *Nelus* ad hæc: quæ, inquit, instituta sunt in Ecclesia, non temerè mutanda sunt. *Gilpinus* respondit, non est potestatis nostræ mutare Ecclesiæ instituta. Sed quia non possum mutare ea quæ sunt in Ecclesia instituta, illud mihi imprimis laborandum superest, ut me ipsum mutem, et ad sincerum Dei cultum transferam, quod gratia Dei præstabit.

Profiteri solebat se dum inter Pontificios versaret multa observasse, quæ animum eius ab illa religionis specie abalienaverant. In articulo justificationis summam hominis consolationem consistere intelligebat. Quem articulum ita videbat, in papismo obscurari, ut solida consolatio tolleretur. Itaq; Scripturam et Patrum scripta diligenter versabat.

Reversus

Reversus in *Angliam* temporibus *Marianis*, Ecclesiam cum magno dolore vidit sanguine et flammis oppressam: ab episcopo *Tunstallo* invitatus ad rectoriam de *Esington*, cepit verbum Dei prædicare, vitia quæ in Ecclesia regnabant acrius reprehendit. Salutis doctrinam simpliciter et solide proponebat. Qua in re multos invenit adversarios maxime ecclesiasticos, quorum vitia redarguerat.

Erat inter Clericos *Dunelmenses Tunstallus* quidam rector Ecclesiæ in illa Diocesi. Hic erat animo in *Gilpinum* intensissimo, ipsumq; sæpius apud episcopum accusabat quasi hæreticum, meritoq; cum alijs hæreticis comburendum. Episcopus a sanguine fundendo abhorrebat, leniter cum eo agebat, eumq; ab adversariorum machinatione eripuit.

Audi vi *Antonium Carleton* narrantem, (istum in episcopi familia degebat,) capellanos episcopi cum *Gilpino* sermones habuisse de *Luthero*: quærebat vnus quid de *Luthero* eiusq; scriptis sensisset? *Gilpinus* fatebatur se *Lutheri* scripta non legisse. Ego, inquit, *Scripturas*, et de ijs patrum sententias imprimis mihi explorandas proposui. Recentiorum scripta levius attingi: Quanquam si cum antiquis consenserint, non repudio. Vnus ex ijs *Gilpini* propositum laudabat. Bene, inquit, cum ecclesia ageretur, si veterum scripta omnibus in honore fuissent. Non enim tantopere novorum hominum novæ opiniones ecclesiam turbarent: Quales sunt istæ novæ opiniones *Lutheri*. At *Gilpinus* si novi, inquit, homines antiquas producant sententias non hominum novitas, aspernanda est: Sed doctrinæ antiquitas est suscipienda. Ibi statim subdole *Gilpinum* ad disputationem protrahunt,

hant, de Sacramento Altaris duo quærebant de reali præsentia, et transubstantiatione: De reali præsentia *Gilpinus* fatebatur se nihil habere solidi, quod contra realem præsentiam opponi posse videretur ipsi. My-sterium, inquit, puto in ea re latere, supra captum meum, venerandum potius, quàm contentionibus exponendum. Rogabant ergo de transubstantiatione quid sentiret? Respondit ille non esse necesse ut credamus ea quæ in verbo Dei fundamentum solidum non habent. Non ergo credis, inquit, quod credit ecclesia? Respondit *Gilpinus*, ecclesiam illud non semper credidisse: tenet me fides Catholica. Sed fides Catholica non mutatur. Ego video in hac re mutationes, quales fides Catholica non patitur. Rogant illi quas observasset mutationes in fide de Sacramento Altaris? Ille rursus nihil, inquit, de transubstantiatione in antiqua ecclesia auditum, aut scriptum reperi. *P. Lombardus* vel primus vel inter primos mutationem ab antiqua fide induxit. Sed quid vobis videtur? num in transubstantiatione panis convertitur in carnem et sanguinem Christi? Respondent hoc se sine dubio credere. At inquit *Gilpinus*, *P. Lombardus* qui primus in hac re antiquam fidem mutarât, hoc non credidit. Nam sic habet ille: *Lib. 4. D. 11. F.* Non fit conversio panis nisi in carnem, nec vini nisi in sanguinem. Id si verum sit, sine dubio sequitur in pane conuerso non esse sanguinem. Querabat ab ijs quomodo hæc conciliaret hærebât illi, nec habebât quod diceret, quia *Lombardus* verba perspicua negant in pane conuerso esse sanguinem, aut in vino conuerso esse carnem. Quos quum *Gilpinus* hæsitantes viderat, agnoscite, inquit, fidei Catholicæ immutabilitatem. Transubstantiationis mu-
tationes

tationes videmus. Nam quum *Lumbardus* mutationem aliquam docuerat, non aliter conversionem illam intelligendam voluit, nisi vt panis converteretur tantum in carnem, vinum tantum in sanguinem. Neq; aliter tum temporis conversionem in Sacramento Altaris intelligebant: donec à *Thoma Aquinate* concomitantiae commentum ederetur. Intelligebat *Aquinas* difficultatem, itaque introduxit adminiculum illud de comitantia, vt scilicet propter concomitantiam in pane conuersio sit et caro et sanguis. Sed hæc sunt novorum hominum inuenta. Fides Catholica respuit inventas mutationes in fide. Dum illi submissiore voce disputarent à tergo Episcopi, quum fortè ante focum sedebat, erat enim bruma: Episcopus sellam in qua sedebat retrorsus paulo longius reclinabat, vt audiret quid illi inter se dicerent. Cum autem loquendi finem fecissent, conversus Episcopus ad eos, capellani suis ait Anglico sermone: *Fathers soule let him alone, for he has more learning then you all.* Hoc est, per patris animam desistite, nec ei molesti sitis, nam eruditior est vobis omnibus. Dum *Esingtonæ* ageret, verbum Dei populo sedulo annuntiavit. Erat Archiadiconatus *Dunelmensis* annexus rectoriæ de *Esington*. Itaque *Gilpinus* ad aliquod tempus vtraq; officia exercebat: fortè autem cum *Gilpinus* intelligeret Episcopum tantam sui curam habuisse, vt etiam de augendo salario cogitaret, satis superq; sibi provisum esse dicebat, et Episcopum rogabat, vt aut rectoriam, aut archidiaconatum per ipsius voluntatem sibi deponere liceret: Nam eorum alterum, inquit, sufficiet: vtraq; simul coniuncta sibi nimis onerosa videri. Episcopus videbatur irasci: Non ego te, inquit, pramonui moriturum mendicum? Ego

illa duo coniuncta inveni, et coniuncta relinqua. Non multo post tempore *Gilpino* contulit rectoria de *Houghton*: parochia est amplissima quatuordecim villas continet cū latifundijs. *Gilpinus Houghtone* susceptus diligentissime in officio concionandi perseverabat, ædes collapsas restituit: Domus illa videbatur tanquā Episcopi palatiū. Nec facile inuenies inter multas domus Episcopales, quæ cum illis ædibus conferantur, si varietatem ædificiorum spectes, et situs elegantiam. Dum *Houghtone* ageret *Gilpinus*, non illius tantum Ecclesiæ, sed multarum etiam Ecclesiarum cura animum eius permouit: videbat dolebatq; quod multæ Ecclesiæ per illum quem vocant impropiationis morbum, dissipatæ viderentur, et pastoribus destitutæ. Nam rectorijs a laicis occupatis non restabat quod pastorem alere potuit. Laici quippe illi tenues ac sordidos Presbyteros quærebant, qui matutinas et vespertinas legere populo possent. Nec amplius aut isti præstare, aut illi curare solebant. Ecclesiæ desolatio, et ignorantia plebis sanctum *Gilpini* animum mouebant. Itaq; proposuit sibi quanta potuit cura et vigilantia non damnum resarcire, quod erat impossibile, at officium suum præstare qua potuit, vt veritas propagaretur, et Deus glorificetur. Desolatio illa Ecclesiarum maximè apparebat in *Northumbria*, et propinquis regionibus, quæ *Riddesdall* & *Tindall* vocantur. Nam illis regionibus, illo præsertim sæculo, verbi Dei annuntiatio nunquam audita fuit, nisi per *Gilpini* ministerium. Quotannis semel ad eos excurrere solebat. Ad hoc negotiū opportunitatem arripere solebat, ad festum Natiuitatis quando itinera propter frigora et nives molestiora alijs videbantur. Tempus illud ei maximè placebat,

quia

quia tunc plures dies festi concurrerent, et populus facile diebus festis conuenirent: Alias non tam facile aut crebro cogendus. Magnam sui venerationem, apud illas gentes conciliauit, tum concionando, tum pauperibus nummos distribuendo in illis itineribus, aliquando nocte interceptus, in niuib. pernoctabat. Interceptus necessitate illa, iubebat *Galieum Airium*, quem secum frequenter habebat, equos circumagere, nec quietem vllam aut sibi aut equis permittere. Ipse interim circum cursitabat, aut ambulabat, nec sustinuit quietem capere: Domi assiduus erat in ministerio et pauperum cura. Erat *Houghtone* viculus in oppido ad pauperum habitationem assignatus, ad eorum alimoniam prouidebat singulis septimanis die qui dicitur *Iovis*, vt olla magnæ amplitudinis et capacitatis carnis elixatis plena pauperibus destinaretur. Nec *Houghtone* tantum, sed vbicumq; opporunitas erat, pauperum curam habebat, ita vt communi consensu popularium, pater pauperum diceretur. Quodam die dum in itinere fuisset, erat colonus quidam in arando agro versatus, cum subito vnus ex equis coloni in terram collapsus, vel morbo vel molestia extinctus occubuit. Colonius ille et qui præsto erant collapsum equum quibus potuerant viribus attrahere satagebant, vt aliquo modo si fieri possit, erigerent. Sed id frustra fuit, nam equus mortuus iacuerat. *Gilpinus* fortè præteriens, eventum rei expectabat. Postquam autem equum videret nullo labore suscitandum, colonumq; dolenter mortem equi ferre, exclamantem se casu illo vehementer afflictum: *Gilpinus* iussit famulum desilire de equo suo, et sellam ephippiumq; patienter ad proximum oppidum portare: Equumq; illum cui fa-

mulus infederat colono tradidit. Exclamavit colonus se non posse pretium numerare equi tam robusti. *Gilpinus* bono inquit, animo esto, tunc pretium solues equi quando ego petiero, interim in opere tuo pergas: frequenter dum iter faceret, egenos hoc modo sublevare solebat. Quum nudos pauperes reperisset, indumenta sua exuebat ut nudos regeret: Ad mensam etiam plerumque pauperes alebat.

Quum *Elizabetha* beatæ memoriæ regina post trucescens fororis tempora regnum auspicaretur, paucitas virorum doctorum qui verbum Dei prædicare possent, non solum multos pios viros, sed et ipsos regios consiliarios permovit, ut quibus possent rationibus huic incommodo medela n aliquam præstarent. *Gilpinus* observans egregia multorum studia in Ecclesia adjuvanda, ipse etiam Provinciam quam nactus erat magno studio exornare satagebat. Itaque de Ecclesiæ seminario cogitabat. Scholam exædificavit, instituitque stipendia magistro atque hypodidascalo: Ipse etiam ex ea schola quos placuit assumpsit circa se labore suo instituendos, cuius instituti fructum amplissimum suscepit *Gilpinus*, immo et Ecclesia Dei per universam *Angliam*. Nam ex illa schola plurimi viri docti prodierunt, qui Ecclesiam laboribus suis et vitæ honestate exornarunt. Confluebant multi ad illam scholam, quorum multi in oppido degebant, multos *Gilpini* domus suscipiebat. Equitum, et arnigerorum filios parvo pretio soluto alebat. Qui erant ex genere suo gratis alebantur. Multos egenorum filios habebat, quibus et victum et vestitum cum educatione contulerat. Quibus modis *Gilpini* schola celebris ubique habebatur, *Gilpinus* ipse celebrior. Ex ea Schola ad utraq; Academias plurimos subinde

subinde mittebat, quorum multos etiam in Academia suis sumptibus fovebat. Dum his studiis inhæreret, gloria quæ fugientem sequitur, sequentem fugit, celeberrimum *Gilpini* nomen extulerat, ut non modo apud Ecclesiæ patres charus, sed et apud regni procures clarus haberetur.

Erat inter aulae procures Comes *Bedfordiæ*, qui *Gilpino* maximopere favit. Hic Episcopatu *Carlisiensi* ex obitu *Owini Oglathorp* iam vacante, ut Episcopatus ille in *Gilpinum* transferretur, impetravit a Regina, obtinuitq; Comes literas ad *Gilpinum* misit, una cum eligendi venia quam vocant *Congedestier*, *Gilpinus* Comititis literas accipiens una cum *Congedestier*, nuntium statim expedit cum literis ad Comitem, quibus postquam maximas gratias Reginae, Comitiq; egisset, submisit rogavit Comitem ut causam suam apud Regnam agere dignaretur, et se de Episcopatu excusare; Vires suas sibi optimè esse cognitatas, tanto muneri sustinendo imparem se esse profitebatur. Si quid interium ad Ecclesiæ utilitatem efficere potuisset, se in humilliori loco diligeuter curaturum. Erat tum temporis *Edwinus Sandes* Episcopus *wigorniensis*, vir prudentiæ, eruditionis, et vitæ sanctimoniam testimonio venerandus, qui postea *Londinum*, deinde *Eboracum* translatus est. Is tum fortè erat *Londini*, quando *Bedfordiæ* Comes de *Gilpino* ad Episcopatum promovendo cogitabat. Qui siue hortatu Comititis, siue ex amore quo *Gilpinum* amplectabatur, (erat enim huic *Gilpinus* cognitionis propinquitatè coniunctus,) scripsit ad *Gilpinum* literas, quibus eum ad Episcopatum oblatum suscipiendum retinendumq; hortatur. Literæ illæ inventæ sunt inter *Gilpini* chartas, in hæc verba.

Cognate mi multum colende, ego Ecclesie Christi commodum magis quam quietem tuam respiciens, quibus potui modis, onus hoc quoad et tibi honori et Ecclesie Christi utile sit futurum imponendum tibi curavi. Verissimum meum de te testimonium ita apud Regiam valuit, ut ipsa te iam ad Episcopatum Carliolensem nominaverit. Scio te propensorem esse ad vitam privatam tranquillitatem. Sed si statum Ecclesie Anglicanae animo equare respicias, non potes cum bona conscientia officium hoc tibi impositum renuere. In eoq; potissimum loco, in quo ad bene merendum de Ecclesia nemo te aptior invenitur. Quapropter omnibus excusationibus positis, contestor te coram Deo, sicut et Deo in hac re responsurus sis, ne fugias patriam tuam operam ferre, et Ecclesie Dei servire quantumcumq; poteris. Intelleges interea Episcopatum illum intactum tibi relinquentum, nihil enim abscindetur ex eo (sicut in alijs nonnullis fieri solet) sed et integrum Episcopatum accipies, sicut enim reliquit Doctor Oglethorp. Proinde exhortans obsecransq; ut divinae vocationi parcas, et vocationis tuae officium non negligas divinae providentia teq; et hoc negotium commendo. Raptim Londini 4. Aprilis 1560. Cognatus et frater tuus, Edwinus Wigorn:

Gilpinus gratias egit reverendo Episcopo cognato suo. Sed de Episcopatu se excusat, et proposito suo pertinacius inhaesit. Multa reprehendendum putabant, quod tanta pertinacia reieciisset Episcopatum. At nonnullis fama Gilpini maior videbatur ex eo crescere quod Episcopatum renuisset, quam si capisset.

Memini audivisse me Gilpinum de hac re inter amicos differentem: quærebant ex eo quidem, quare Episcopatum tam pertinaciter rejecerit? Respondit se non Episcopatum sed loci incommodum vitare voluisse.

isse. Si Episcopatus alio loco ei designaretur, dicebat se non recusaturum, sed in illa provincia se molestias vitare voluisse, vbi frequentes erant amici eius et confanguinei, quibus vel multa erant concedenda non sine offensione sui, vel multa neganda non sine offensione ipsorum: quas difficultates facile vitabat vitando Episcopatum. *Iohannes Bestius* vir doctus et pius eligitur Episcopus. Sed num iisdem conditionibus tenuisset quibus *Gilpino* oblatum fuerat, nempe vt nihil ex eo decederet, nescio. Non multo postquam subduxerat se ab onere episcopali, alia postulatione pulsabatur, vt Reginensis Collegij præposituram in *Oxonio* delatâ ad se susciperet, vel saltem alium nominare veller, virû bonum et idoneum. Scripsit ad eum *Thomas Francis* literas in hanc sententiam salute præmissa, quando quidem in animo mihi sit, vt locum hunc relinquam, quem iam in Reginensi Collegio retineo *Oxonij*, illud in votis habens vt vir honestus, doctus, pius, quique ex Collegij statutis idoneus sit, ad hoc officium promoveatur: visum est iterum tibi præposituram hanc offerre. Quam si tibi placuerit acceptare, libenter ex literis tuis hac de re scriptis socios commonefaciam, quos in te optimè animatos noui. Quod si non tibi placeat tanta inquietudo in tantula portione, (sic enim verè appellare possum hoc onus,) consilium amice rogo, et iudicium, vt indices in quem transferre possim hoc officium, quem et idoneum, talemq; qui eligi posset ac debeat noueris. Ego consilio tuo obsequar quam primum mentem tuam cognovero ex literis tuis, quas ad me festinas cures transmittendas. Raptim *Oxonij*, 17. Decembris. 1561.

Quid ad hæc responderit *Gilpinus*, non invenio: Sed constat ipsum oblatum honorem repudiasse. Ad om-

nes amicorum petitiones infractus et inflexus manebat. Sicut de Rege Latino Poeta dixit.

Ille velut pelagi rupes immota resistit.

Gilpinus interim episcopi munus videbatur implere docendo, pauperum curam agendo, necessitatibus aliarum ecclesiarum providendo, Scholas instituendo, literatos et idoneos viros ecclesiæ ministerio præparando. Domus *Gilpini* erat tanquam monasterium, si quis monasterium consideret, sicut erant illa *St. Augustini* tempore, non autem qualia recentiora sæcula protulerunt.

Gulielmus Cæcilius Baro de Burghly, primarius Regi-
næ secretarius missus in *Scotiam* de regni negotiis cum
reverteretur fama *Gilpini* allectus *Houghtonam* venit,
Gilpinum salutavit. *Gilpinus* illum cum observantia et
mensæ hospitalis officio recepit. Postquam *Cæcilius*
Gilpinum observasset, expertus humanitatem viri sin-
gularem, et in tanto hospite tam inexpectato excipi-
piendo, tantam diligentiam, tantam rerum omnium
copiam et urbanitatem: iam discessurus dixit, multa
se de *Gilpino* fama audivisse, at quod vidisset, exper-
tusq; sit, multò magis esse quàm quod prius audiverat.
Itaq; *Gilpinum* familiariter alloquutus: Si quid, in-
quit, negotij habiturus sis, vel in Aula, vel apud regi-
os consiliarios, vte e me sollicitatore tuo. Clarissimus
Baro reuersus *Dunelmum*, quum peruenerat ad montem
qui dicitur *Rainton hill*, retro respiciens planiciem om-
nem quam reliquerat, et *Gilpini* ædes, et situm loci
accuratè prospexit. Non, inquit, reprehendo hunc
hominem quod Episcopatum recusat. Quid enim
huic deest, quod Episcopatus conferre poterat? et à
maiore curarum mole liberatur. Non negligebat *Gil-*

pinus *Riddesdalenses*, & *Tindalenses* quotannis invifere. Apud quos habebatur Propheta, eumq; in maxima veneratione habebant homines femibarbari. Accidit fortè dum *Gilpinus* concionaretur apud eos, vt latro clam *Gilpini* equos abstulerit: quod postquam rescitum fuerat, mittitur clamor per omnem viciniam, *Gilpini* equos furto ablatos esse, omniq; diligentia quærendos esse. Ille qui abstulerat cum primum audiverat equos illos fuisse *Gilpini*, (nam cuius illi fuerant nesciebat:) in magno tremore fuit. De furto non erat adeò sollicitus, sed *Gilpini* nomen auditum eum in horrorem et tremorem coniecit. Itaq; trepidus cum magna festinatione equos restituit, et patris *Gilpini* veniam, et benedictionem postulavit: et professus est, postquam resciverat *Gilpini* iumenta esse quæ ipse abegerat, vereri se ne vivus ad inferos detruderetur, si quam illi iniuriam intulisset. Dum aliquando in illis locis esset *Gilpinus Rothburia*, factio erat pestifera inter aliquot eorum qui ad ecclesiam illam convenire solebant. Sanguinarij homines ultionem sanguinariam exercebant, quam vocabant *deadly-feod*. Si altera factio ad ecclesiam fortè accederet, altera abstinuit: quia simul convenire non solebant sine sanguine fuso. Dum autem *Gilpinus* esset in concione in illa ecclesia, utraq; factio accessit *Gilpino* præfente: vna per superiorem partem supra cancellos ecclesiæ, altera per mediâ ecclesiâ utraque pars armata stabat cum gladijs et hastis in manibus suis: *Gilpinus* insolita rerum facie nonnihil turbatus in concione progreditur: sit iterum armorum sonitus, et vna factio propius alteri accedit; periculû erat ne in media ecclesia concurrerent. *Gilpinus* descendit de suggestu: Ad utriusq; factionis primarios ac-

D

cedit,

cedit, et primo tumultum sedauit. Deinde pacem inter eos stabilire laborat, sed non obtinuit propositū pacem quidem integram seruare polliciti sunt, quamdiu *Gilpinus* esset in Ecclesia. *Gilpinus* quum odium inveteratum inter eos extinguere penitus non poterat, rogabat ut pacem inter se haberent quamdiu in illis regionibus ipse fuisset. Id concessum erat: *Gilpinus* in suggestum conscendit iterum, non enim concionis finem fecerat, reliquum quod habuit temporis consumpsit in barbaro illo et sanguinario more explodendo, et si fieri possit exterminando. Quoties *Gilpinus* ad illas regiones adventaret, si quis sanguinariū inimicū meruisset, solebat se ad *Gilpini* comitatum conferre: in eius comitatu se magis in tuto futurum prospiciebat, quam si armata manu incederet. Quodam die Dominico *Gilpinus* ad Ecclesiam in illis locis accedens antequam populus ad preces coiret, ambulans in templo videbat altius pendentem chirothecam. Ab ædituo quærit, quid rei hoc esset, et quare suspensum in illo loco? Respondit ædituus fuisse chirothecam parochiani cuiusdam qui in adversarij sui contemptum suspenderat signum illud, significans se duello pugnaturum cum adversario, aut cum alio quocunq; qui signum illud tollere auderet. *Gilpinus* rogabat hominem ut aliqua arte signum illud tolleret. Non ego, inquit ille, illud efficere audeo. At inquit *Gilpinus*, si mihi hastam attuleris, ipse tollā: hasta igitur porrecta, *Gilpinus* chirothecam sustulit, et in sinu reposuit. Populus postea ad Ecclesiam confluebat, et *Gilpinus* ad statutum tempus suggestum ascendit: Inter concionandum opportunitatem arripuit corripendi barbaras illas provocaciones: exprobrabat ipsis morem il-

lum quo solebant ex chirotheca suspensa duella suscitare. Audio, inquit, quendam e vobis, etiam in hoc sacro loco chirothecam suspendisse, et duellum minitari ei qui tolleret. Ecce ego sustuli. Tum chirothecam produxit, et palam ostentabat: Deinde docuit quantum a Christiano tam barbari mores abhorrent: et ad pacem et mutuam inter se charitatem exercendam animos eorum commovere certabat. Post concionem solebat nummos distribuere in pauperiores: saepius etiam solebat visitare inclusos in carcere, et postquam in carcere habuisset concionem ad incarceratos nummos eis largius concessit: Multosq; ex ijs ad vitam antea acta poenitudinem, et ad honestos mores reduxit. Multis qui morte plectendi erant, veniam vitamq; impetravit.

Nobis pueris rebellio à Comitibus *Northumbria & Westmorlandiae* excitata fuit: quā futurā ex quibusdam indicijs praesensit *Gilpinus*. Et quia intelligebat in tam turbida tempestate potestatem sibi defuturam se suaq; defendendi se cedere ad tempus cogitavit. Itaq; oratione habita ad pueros in schola et ad ludimagistros, ut donec ipse redierit studiose et pacifice se gererent, ipse *Oxoniam* petit. Commoratus ibi donec regius exercitus Duce Comite *Suffexiae*, ad rebelles profligandos *Dunelmum* properaret. Rebelles *Dunelmum* tenebant: Sed ad Regiarum copiarum tamam dissipati sunt: fugatis illis acerbè et crudeliter saevitum est in simpliciotes homines quos rebelles ad suas partes traxerunt sub praetextu obediētia Reginae praestanda: Nā sollicitabantur simplices homines ut officium suū Reginae praestarent. Rebelles passim Reginae nomen auctoritatemq; iactabant. Dum Rebelles *Dun-*

~~velum~~ cum exercitu tenerent, et Missa quotidie in Ecclesia Cathedrali haberetur nonnulli ex ijs *Haugh-*
tonam advolarunt. Invenierunt *Gilpini* horrea frugibus repleta, iuencos saginatos, multa; ad hospitalitatem parata. At illi omnia dissipant, fruges vendunt, altitia consumunt: ea; omnia quæ *Gilpinus* in pios et honestos usus paraverat, improbè destruunt. Erat inter eos vnus quem patibulo destinatum *Gilpinus* servaverat. Is erat omnium improbissimus in *Gilpini* bonis dissipandis. Effugatis rebellibus, et questione acerbius nec sine avaritiæ infamia instituta in homines simplices a *Georgio Bowes* Equite, ad id negotium martiali constituto, *Gilpinus* qui iam domum redierat, multis intercessione sua vitam impetrauit: intellexit enim multos homines non dolo malo, sed per ignorantiam suam, et aliorum fraudem, velut in laqueos fuisse coniectos: Omnibus turbis iam compositis, *Gilpinus* ad consueta studiorum et charitatis officia redit.

Erat inter doctissimum et reverendum Episcopum *Dunelmensem*, *Jacobum Pilkingtonum*, et *Gilpinum* ex consuetudine et morum similitudine amicitia non vulgaris. Episcopus *Gilpinum* domi suæ frequenter convenire solebat. Episcopus etiam *Gilpini* exemplo excitatus Scholam *Lancastria* instituit, et statuta Scholæ *Gilpino* verlanda et examinanda exhibuit. Magna etiam familiaritate et benevolentia amplectabatur *Thomam Læverium* virum pium et doctum *Sherbornensis* hospitij magistrum.

Prodiit in lucem liber *Thomæ Cartwright* de disciplina Ecclesiastica: qui liber a multis tum temporis avidè suscipiebatur. Vnum ex libris illis *Gilpino* legendum misit *Gulielmus Birch*, Canonicus *Dunelmensis* vir doctus,

doctus, sed qui ad illam disciplinæ formam quam *Cartwrightus* descriplerat properantius ferebatur. Rogat *Gilpinum* ut librum perlegat, et de eo libro iudicium suum non gravetur perscribere. *Birchius* videbatur festinantius agere: Nam exiguo temporis interiecto, literas iterum misit ad *Gilpinum*, quibus rogavit ut librum cum iudicio suo transmittat, antequam *Gilpinus* totum perlegisset. *Gilpinus* librum quidem remisit cum literis ad *Birchium*. Atque sicut erat amano ingenio ad carmina etiam componenda, literis illis carmina quædam adiecit. Sunt verò carmina quæ sequuntur.

Multa quidem legi, sed plura legendæ reliqui:

Posthac quum dabitur copia, cuncta legam.

Optant ut careat maculis Ecclesia cunctis:

Præsens vita negat, vita futura dabit.

Accessit ad eum postea *Cantabrigiensis* quidam, qui vir doctus videbatur: Is multis egit cum *Gilpino* de disciplina et reformatione Ecclesiæ. *Gilpinus* dicebat se non posse probare ut humanum inventum loco divini instituti in Ecclesia locum haberet. Num ergo putas, inquit ille, hanc disciplinæ formam esse humanum inventum? Omnino sic existimo, inquit *Gilpinus*: Et qui antiquorum patrum scripta diligentius versaverit, idem mecum existimabit. Suspecta est mihi disciplinæ forma illa quæ in nulla antiqua Ecclesia suscepta videtur. At inquit ille, recentiores multa vident quæ antiqui illi patres non viderunt: et multorum ingeniis et laboribus instructior Ecclesia præsens videtur. *Gilpinus* commotior videbatur, ego in-

quit, recentiorum virtutes non puto comparandas esse patrum infirmitatibus. Dicebat alter se putare *Gilpinum* in eo errare. *Gilpinus* verba illa consultò habuit quia intelligebat eum de virtutibus nescio quibus iactare, quam iactantiam *Gilpinus* reprimere voluit.

Georgius Gilpinus qui librū *Philippi Marnixj Aldigundie* Comitit *A'uearium Romanæ Ecclesiæ* ex *Belgio* in Anglicum sermonem elegantissimè transulerat, veniè *Belgio* ad *Bernardum*. Is erat *Bernardi* frater: fuit *Reginæ* Agens apud *Belgas*, et apud *Belgas* propter singularem prudentiam celebrem sui memoriam reliquit. Hic ubi aliquod temporis cum fratre *Bernardo* iucundissimè vixerat. Reversurus in *Belgium* *Reginam*, et consiliarios regni convenerat de rebus quas *Reginæ* nomine apud *Belgas* esset acturus. *Leicesterius* & *Bedfordius* Comites utroq; fratres, *Georgium* propter prudentiam in rebus agendis, *Bernardum* propter vitæ sanctimoniam magno favore amplectebantur. Illi rogabant *Georgium*, ut persuaderet *Bernardo* fratri conversionis suæ a Romana superstitione ad Evangelicam lucem rationem modumq; scripto exponeret. Cui postulationi respondit *Gilpinus* apertè et candidè sine omni fucò. Ego literas illas ex Anglico sermone, in quo scripsit in Latinum, qua possim fide translatas exhibeo.

Exemplum.

Literæ *Bernardi Gilpini* ad *Georgium* fratrem,
Anno Domini: 1575.

Rogas frater ut fusiori scripto modum tibi conversionis meæ a superstitione ad lucem Evangelij referam: Quod tibi non ignotum esse credo, non

non fuisse paucorum annorum opus : veruntamen sicut per tempus et valetudinem licet, nihil celabo. Confitebor opprobrium meum in confusionem diaboli : Dicam cum Apostolo, 1 Tim. 1. 13. *Misericordiam consequutus sum, ignorans feci.* Temporibus Regis *Edwardi* protractus eram ad disputandum contra quasdam assertiones *P. Martyris*. Quamvis ex naturali propensione semper (quantum potui) controversias et disputationes vitaverim. Quūq; iunior Theologus essem, et in illa disputatione reperissem fundamentum, cui innitebar non tam solidū quam ipse prius putavi : proinde sacras literas et patrum scripta coepi accuratius evolvere, ut meipsum in receptis opinionibus confirmarem. Sed Deus animum meum ab illo praeiudicio paulatim liberavit : et quotidie fervor ille quem habui ad papismum deservescere cepit. Contra autem sensu igniculos qui me ad veritatem investigandam adagerunt. Interim contuli me ad Episcopum *Dunelmensem* ut amplius discerem : Qui in Transubstantiationis negotio dicebat mihi *Innocentium* tertium inconsultius egisse, quod illum articulum fidei fecisset. Papæ etiam culpam magnam profitebatur, quod de indulgentiis, aliisque rebus non rectius consulisset Ecclesiæ. Postea doctorem *Redmannum* conveni, in quo propter insignes virtutes, et eruditionem magnam spem reposui. Ille mihi affirmabat librum de publicis precibus pium fuisse atque Evangelio consonum. Hæc me in multas meditationes coniecerunt. Deinde vnus ex socijs *Reginensis Collegij Oxonijs* narrabat mihi se audivisse Doctorem *Chesley* inter amicos dicentem, oportere ut protestantes cedant nobis realem Christi præsentiam

sentiam in sacramento nos itidem ut illis cedamus in Transubstantiationis sententia atque ita convenimus. Doctor *Weston* prolixam orationem habuit de Cæna Domini sub utraque specie administranda. Magister *Morgan* narravit mihi, Doctorem *Ware* virum, et vita, et eruditione clarissimum, affirmasse sibi quod præcipuum sacrificium Ecclesiæ Dei, fuisset sacrificium gratiarum actionis. Hæc erat eius responsio quum quaesivissem quid pro sacrificio Missæ dici poterat. Eruditissimi in hoc regno Episcopi eo tempore primatum Papæ, et verbo et scriptis retutarunt. Magister *Harding* nuper ex *Italia* domum reversus prolixa et celebri concione tam clare exposuit, et coloribus suis depinxerat fraterculos, et Episcopos indoctos, qui in *Tridentino* Concilio in viridibus togis convenerant, ut in me plurimisq; alijs plurimum imminuerit de opinione, et fiducia quam in generalibus Conciliis habueramus. Hæc et multa alia occasionem mihi præbuerunt, ut scripturas et antiquorum scripta investigarem: unde plurimos et maximos abusus, et aliquot enormitates vitatas, et defensitatas in papatu animadvertere ceperam, et reformationes ex altera parte necessarias iudicare. Dum hoc modo progrededer amicorum quorundam suasionibus adductus, sacerdotium suscepi. Ad quod invitus trahebar: Si Deum offenderim curam suscipiendo antequam doctior, et in religione confirmatior essem, veniam à Deo peto. Nec dubito quin in eius conspectu misericordiam consequutus sim. Antequam sacerdotium illud intrassem, concionem habui coram Rege *Edwardo Greenwichi*: Concio illa bonorum virorum approbationem habuit. Dominus Thesaurarius, tunc secretarius, obtinuit mihi licenti-

am

am Regiam per regnum prædicandi, quamdiu Rex *Edwardus* regnaverat, quod tempus deinceps non multum superavit spatium dimidij anni. In concionibus ea tractabam in quibus optimè confirmatus eram, et in quibus Scripturas certas haberem: Missam examinavi: Abusus quantum observare tunc potui, erant in nimia reverentia, et crassiore populi cultu: quia Transubstantiationem non credidi. Veruntamen tandem aliquando Missas dixi, paucas aliquot et clandestinum. Tum continuo trans mare missus fui, ut Domini Episcopi *Tunstalli* librum de Eucharistia imprimendam curarem, cum alijs duobus aut tribus libris ut nosti, *Antuerpia*: ubi per trium annorum spatium *Lusitæ, Antuerpia, Lovaniæ*, nonnullisq; a ijs in locis crassam idololatriam conspexi. Ea res me à Pontificia religione magis ac magis abduxit: maxime quod viri qui eruditione præstabant inter Pontificios, in Scholis cultum imaginum tollerent, in Ecclesiis intolerando abusu permitterent. Hic dum sacras Scripturas, et patrum scripta avidius consulerem, multa observavi quæ meum animum à Pontificia Ecclesia abduxerunt. Animadverti in illa Ecclesia sacræ doctrinæ corruptelas insignes; in sacramentis multa contra Scripturas instituta. Quædam sacramenta nuper addita: In sacramento Cænæ alteram speciem ablutam: Transubstantiationis figmentum inductum, Traditiones Ecclesiæ verbo Dei, et sacris Scripturis adæquari, pari pietatis affectu suscipiendas. Cultum imaginum in Ecclesiam inductum, in Ecclesia omnia coram populo ignota lingua peragi, maxime me exercuit questio de Antichristo: quia non tutum videbatur discedere ab Ecclesia Pontificia, nisi prius in a-

nimo meo illud hæreret. Papam esse Antichristum: quantis hic conflictationibus exercebar non facile dicere possum. Posthac domum revocatus rectoriam de *Elington* ab Episcopi collatione suscepi: ubi quum in concionando sedulus esse studuerim, subito mihi magnos gravesq; adversarios excitatos sensi: contra pluralitates, et non residentiam prædicaveram. Clamabant adversarii mei, omnes qui doctrinam istam attulissent, cito hæreticos evasuros. Alijs vehementer displicuit quod prædicarem respicientiam et salutem per Christum. Id mihi obiecebant, quod non (sicut tunc fieri mos erat) integras conciones haberem de Transubstantiatione, Purgatorio, aqua benedicta, cultu Imaginum, invocatione Sanctorum, et similibus, quæ ex me nunquam audire poterant. Quanto acrius populus prædicationem meam susceperat, tanto acrius in offensionem et odium incidi: parva res periculum mihi creavit. Hæc quædam mater familiaris quum in puerperij doloribus Deum sæpius invocaret, a reliquis matronis graviter fuit reprehensa, quod non beatam virginem invocasset. Respondit illa: audiivi clarum quendam concionatorem *Gilpinum* nuper ex *Gallia* reversum: Si ille admoneat me ut sanctas invocem, consilium de ea recipiam: dixi me ad invocationem Sanctorum non audere quenquam hortari, eos vero qui Dei solius opem in periculis suis implorant ad solidam conscientie suæ consolationem, nisi mandato divino, et habere firmam promissionem. Hæc res multos mihi inimicos excitavit: Interim eum viris doctis mihi consuetudine coniunctis sæpius contuli. Quæsi vi quare nulla esset reformatio tot abusuum circa imagines, reliquias, peregrinationes, venundationes

venndationes Missarum, et Trentalium. Cum multis alijs erroribus, quos tempore Regis *Edwardi* Pontifici non solum superstitiosas fuisse concesserant, sed et reformationem polliciti sunt, Ecclesiamq; purgandam fatebantur: quod eos libenter facturos dixerunt, si vnquam autoritas ad ipsos redisset. Cum interrogassem vbi potissimum reformatio hac esset inceptura, cuius rei expectatione libentius *Parisiis* redirem: responsum mihi fuit non esse quicquam concedendum populo ignaro. Si fateamur errores aliquos, illi statim clamabunt, alia etiam multa non minus esse reformanda, quam quæ concesserimus: atque ita vltcrius semper progredientur, vt nunquam a reformando desistant. Hæc me graviter vulniferunt, et ad conscientiæ pacem quærendam adagerunt. Posthæc duabus aut tribus concionibus *Novi-Castri* habitis, cappi conscientiam meam magis perspicue aperire: vbi contra me duodecim aut tridecim articuli collecti fuerunt, et ad Episcopum missi. Hic adversarij mei ex clero, quos grauitè offenderam, obtinuerunt tandem quod diu expectarant. Non desisterunt donec me Episcopus coram ipsis vocasset; vt me in sacramenti materia examinaret. Episcopus mihi gratiam, quantâ credo ausus fuerat, præstitit. In Transubstantiatione mihi molestus esse noluit: tantû quærebat de reali præsentia. Quod quæ ego concesserim liberatus ex eo periculo fui. De reali præsentia non videbar mihi certus et confirmatus. Mysterium tibi latece arbitrabar supra ingenij mei captum: veruntamen conscientia mea me subinde sollicitabat, quod coram illis discretis verbis illud concesserim, quod mihi videbatur dubium. Sed sperabam Deum ignorantiam meam condonaturum, et in tempore maiorem mihi cognitionis

lucem daturum. Hieme proxima moritur Regina *Maria*: Tunc plenius mentem meam aperire ceperam. Antea enim (nam necessario mihi verum confitendum est) imbecillitas, ignorantia terrores adversariorum meretur. Circa Pascha accusatus fui coram Episcopo de multis articulis, et ex *Eboraco*, et ex *Dunelm*, quæ tamen omnia mihi ulterius non nocuerunt, quam quod Episcopus adversariorum quærimoniis adastus, me ex testamento suo expungeret, et quod vulgares homines et populus offenderetur: quod dispositionem bonorum Episcopi amiserim, magno me onere levatum libenter intelligebam. Quod autem ad populi favorem spectat, quo magis ad ædificationem prædicatio mea proficere posset, (alias enim favorem popularem nunquam desideravi:) sperabam in tempore per Dei bonitatem illum recuperare. In Autumno venerunt visitatores: Doctor *Sandes Auklandiam* me accersivit, et constituit mihi locum, et tempus concionandi contra Primatum, *Dunelmi*. At ipse pridie concionem habens, dum penitus ut videbatur tolleretur realem præsentiam, teneram conscientiam meam adeo vulneraverat, quod sequenti nocte dormire non potuerim: et mentem meam multa in dubium traxerunt, an proximo die concionem habiturus fuerim. Tandem profectus sum ferè a lecto in suggestum, ubi sive illud fuerat per conscientie inquietudinem, sive per somni inopiam, sive quod Deum offenderam quod inquieta conscientia conscenderim, nescio: sed nunquam mihi magis defuit elocutio: et tamen videbar mihi materiam satis luculentam congestisse, gravesque rationes. Sequente die omnes in Diocesi Presbyteri conveniunt ut subscriberent

scriberent. In vno aut altero articulorum puncto conscientia mea non videbatur mihi tam plene informata, quàm ipse optaverim. Itaque secessi paulum, sperans futurum vt non vocarer. Quum vero Curatus meus ad librum accesserat, quem ex sermone prius cum ipso habitu, putavi nunquam hæsitaturum. Ille quasi invitus ad subscribendum subtraxit se: id effecit vt ego vocarer: liber mihi erat oblatus: vbi protinus sic mecum cogitabam, consolatio mihi maxima reposita est in hac religione, quia gloriam Deo, autoritatem verbo Dei exhibet ad superstitionis et doctrinarum humanarum extirpationem. Tantum hærebat mihi animus in quibusdam minutis, quæ Deus mihi vt spero in tempore revelabit. Si recusavero, multis aliis autor ero recusandi, ac proinde cursum verbi Dei impediendi. Itaque subscripsi, et nocte sequente Doctori *Sandes* protestationem misi de duobus illis punctis quæ me moverant. Ille non offensus, protestationem meam cum humanitate recepit: subscripsit etiam Curatus meus, et die proximo in morbum incidit. Dum vero ego vnâ cum visitatoribus *Kendallum Lancastriamq;* proficiscerer, ille mortuus est ante reditum meum, ex ægitudine vnius ferè septimanæ: Quidam putârunt animum eius subscriptione fuisse percussum: Alii dixerunt infirmitatem illi ex nimia potatione quam forè intemperantius sumpserat provenisse. Deus noverat quæ fuerat mortis eius causa: temporis progressu vt mihi videbar fortior et confirmator evasi: veruntamen quod verum est fatebor, multas, graveq; tentationes habui, quæ per multas noctes mihi somnum eripuerunt, meque semi-vigilantem, semi-dormientem, in talia ad-

gerunt somnia, qualia paucos habuisse credo. Natura mea controversias semper fugit. Delectatio mea desideriumq; in eo constitit, ut Christum simpliciter, et sincere prædicarem, et salutem per Christum, ut ipsum in suavissimis promissionibus sacrae Scripturae solarer, et in precibus ad Deum fundendis. Insatiabilis illa, et nullis aut temperantiae, aut moderatioribus metis cohibita avaritia cum superbia et carnis libertate, alijsq; eiusdem cognationis vitijs coniuncta, quae inter omnes ordines regnant, maxime verò in nobis Presbyteris ac ministris, qui *sal terrae* ut dicimur esse debemus, sæpè mihi somnos excullerunt. Sed rediens, in Deo quiescebam: quanto magis hominum iniquitas abundat, tanto gloriosior apparebit Deus purgando, sanctificando, et servando populum electum in medio generationis pravae. Anxius semper fui siue in subscriptionibus, siue in iuramentis ne laqueis tenerer: Illud satis esse videtur, et satis esse debet Ecclesiae præfatis, ut omnes in Scripturis, et articulis fidei quiescant. In alijs sicut Scripturis consona sunt: quia sacra Scriptura locum, et auctoritatem eminentem habere debet, supra omnia omnium hominum scripta. Memini quando ad ordines suscipiendos proficisceretur ad Episcopum *Oxoniensem*, Capellanum Episcopi iuramentum nobis ministrasse, ut probaremus ordinationes editas, et postea edendas. De quo iuramento, quum altius meditaremur, quid esset nos obligare ordinationibus futuris, de quibus nihil potuimus intelligere: hæc non me solum anxium reddiderunt, sed novem decemve alios, qui mecum iuraverant, homines multò me doctiores turbaverunt. Ego quod me attinget mecum statuebam, nullis scriptis iuramentum præstare

præstare nisi cum exceptione quatenus sunt verbo Dei consona. Quam mihi mentem anxiam fecerit, quod iuramentum exigeretur in rebus dubijs, alio scripto apertui propter conscientiae tranquillitatem. Atque hoc verè affirmare possum, postquam hanc viam ingressus fuerim, ut infirmitates meas scripto aperirem, non metuens si quis eas noverit, modo vel in meam vel aliorum profectum cederet, multimodam inveni pacem et conscientiae tranquillitatem; et quotidie magis ædificor et confirmor Scripturas legendo. Et in hac re Deum laudo, quod quando maxime anxius et infirmus videbar, fides mea in Dei misericordijs tam firma, ut credo, fuerit, ut si vel eo ipso momento morerer, fiduciam tamen * habui et habeo, quod anxietates illæ salutem meam non impedirent. Teneo *Pauli* sententiam illam, misericordiam consequutus sum, ignorans feci; et aliam *Iobi*, si me dominus occidat, in eum sperabo. Sæpius tamen misericordiam Domini imploravi pro istis offensionibus, infirmitatibus, ignorantijs, alijsq; omnibus, idq; perpetuo faciam quam diu in hoc mundo vixero. Nobis omnibus misericors sit Deus.

* credo. [habuerim et habeam]

Hactenus *Gilpinus*, vides *Lector Gilpini* sinceritatem: Nihil de suis virtutibus loquitur, sed de infirmitatibus suis agnoscendis, et enumerandis totus est. Nasutuli fortè ridebunt hominis simplicitatem: Ego Apostolicum Spiritum suspicio, qui beati *Pauli* exemplo de se gloriari non audet, sed in infirmitatibus suis gloriatur, ut in ipso habitet Christus: veruntamen utcumq; ille totus sit in prædicandis infirmitatibus suis, virtutesq; suas studio suppresserit: illud tamen constat, bis eum fuisse accusatum temporibus *Marianis* ab inimicis apud *Thun* Episcopum.

Thun.

Tunstallus Episcopus qui a sanguine fundendo abhorrebat contra varias adversariorum accusationes præsidium dulce *Gilpino* fuit. Tandem accusatus est apud *Bonnerum Londinensem* Episcopum. Is nuntium paratum esse iubet, qui *Gilpinum* apprehendat. *Gilpinus* periculum imminens vidit, (audierat enim nuntiū expeditum qui ipsum comprehendat) præsidium illud quod prius in *Tunstalli* clementia expertus erat, iā sublatū sentiens, sanctam animam Martyrio parabat, Mandat *Gulielmo Airio* domus dispensatori, ut tunicam ei oblongam paret, quò honestius ad palum procederet. Sed inexpectato Reginae *Mariæ* mors ab eo periculo hominem liberavit. Post editum Concilium *Tridentinum*, quum sermo fortè inter *Gilpinum* et *Thomam Leverium* incidisset, de Concilio illo, quæsisissetque *Leverius* quid de Concilio illo sensisset *Gilpinus*. Patres inquit *Tridentini* pessimè consuluerunt Ecclesiæ. — Nam quod ante liberum fuerat, iam non liberum relinquunt. Memini *Tunstallum* Episcopum sæpius narrasse *Innocentium* tertium inconsultius fecisse, quod transubstantiationis opinionem articulum fidei fecisset. Quum antea liberum fuisset vel sic vel aliter sentire. Episcopus dicebat se non dubitare quin si ipse tum temporis adesset in concilio, potuisset Romano Pontifici persuadere ut ab eo negotio desisteret. Quod ille de Transubstantiatione iudicavit, idem iudicium esse potest de universono papismo post editum Concilium *Tridentinum*. Nam quod antea liberum fuit, iam non liberum reliquit. Itaque patrum nostrorum quamvis multa ignorantia oppressorum tempora feliciora fuisse puto, quam sæcula insequentia esse possunt apud Pontificios. Quia
iam

iam in Concilio *Tridentino* multa veteris Ecclesiæ instituta mutarunt: Nam quod regulæ fidei partem in Traditionibus posuerint, id in Ecclesia ante factum nunquam fuit. Multa in articulis de iustificatione, de Sacramentis quæ prius in Ecclesia doceri permittebantur, iam non permittuntur. Ex his *Tridentini* Patres aliis Ecclesiis necessitatem seperandi se ab Ecclesia Romana imponunt: in quo mihi non benè ab illis consultum videtur. Nam Ecclesia in diffidia et partes distrahitur: et quod prius in dubiis liberum fuit, ad omne *Tridentini* Patres sustulerunt; et partem du-riorem sibi sumpserunt.

Ex Pontificiis erant nonnulli qui quum *Gilpinum* à Pontificia religione quam in iuventutis ignorantia primum coluerat, iam inversum intelligerent: multa movebant ut si fieri posset, revocarent. Inter eos erat quidam claræ familiæ *Thomas Gelthrop Gilpini* cognatus: Hic ad *Gilpinum* literas misit, in quibus eum admonuit de religione avita retinenda. In ijs literis hæc inter alia *Gelthropus* inseruit: fama tua magna est, et *Londini*, et in omnibus locis. Ego in ista sum opinione, te his temporibus vel magnum bonum præstiturum si ecclesiæ adhæreas, vel quod Deus avertat maius malum in ecclesia excitabis, quam *Arrivus* excitaverat. Quod peccatum abundet, non est Missa, non sunt matutinæ in causa, sed perniciosa doctrina, vitæq; impura et cleri et aliorum. Iam Communionem reformatunt, et librum reformatæ liturgiæ ediderunt. Sed hæc reformatio malum non sustulit, quia videmus populum multo quam prius in peius ruere. Hæc reperti inter *Gilpini* chartulas plura expiscari non potui, adeo erant improbè corrosa plurima. Ad has lite-

ras reperta est integra responsio *Gilpini*. Literæ inscriptionem habent: Cognato suo *Thoma Gethrop*: et sic se habent.

Gratiam et pacem. Longiores tuæ literæ allatæ mihi sunt, quum parum otij haberem ad respondendum, sicuti is affirmare potest, qui has ad te reportat. Curandum tamen putabam ne ad te rediret sine responso: quanquam conclusio literarum tuarum scribendi parum solatij mihi tulit. Quis enim scribendi laborem suscipiet, quum certum apud te firmatumq; sit, sicut affirmas, nullis argumentis à suscepta opinione abiturum. Non potuit non molestissimum esse Prophetæ *Jeremie*, quum ille clamaret ad populum; *audite verbum Domini*: ut illi interim cum dura cervice responderent: *non audiemus*. Sed permitamus hæc divinæ operationi, quæ cor tuum mollire potest, et aures aperire *surdi serpentis obturantis aures suas, &c.* Sæculum anteaustum respicis bene illud si etiam ad sæcula Patriarcharum, Prophetarum, Christi, Apostolorum, aliorumq; Sanctorum respicias: quos si sine præiudicio occecata affectionis consulas, abducent te procul à cæcitate, ab errore, merito dixerim profunda idololatria quæ replebat in Ecclesiam dum dormirent homines. Quod te monasteriorum ruina moveat, doleo te in hac re cæcutire. Plurimi enim religionis vestræ falsi sunt illa diutius stare non potuisse, quia clamor eorum ut *Sodomorum* venit ad aures Dei. *Sodomistica* illa vitia manifestiora erant, quàm ut celari possent, non potuit istos diutius ferre Deus. Quod si ad animum tuum revoces, quam inimici fuerint isti verbi Dei ministerio, sacrilegio suo tollentes

tollentes alimoniam ministris verbi constitutam, in plurimis regionibus vix vnam rectoriam non exspoli-
tam relinquentes, facile estimares istos diu stare ac
florere non potuisse: fructus doctrinae *Lutheri*, toti-
usq; verbi Dei verè annuntiati, hic est, vt Deus spiritu
oris sui interficiat impium. Quod dicis accedentem ad
Deum oportet credere, vtinam illud recte considera-
res, fidem et religionem nunquam posse pacem ac re-
quiem invenire, nisi in sacro Dei verbo. Fides ex au-
ditu, auditus per verbum Dei. Ita fit vt si quis credat
in Bullas, Indulgentias, Imagines, aliaq; plurima vana
hominum instituta, veram fidem habere non possit.
Ista omnia evanescunt vbicunq; Dei verbum vim at-
que auctoritatem habeat. Requies illa quam in Roma-
na invenire te dicis Ecclesia, (Catholica scilicet vestra)
si non maiorem adhibeas curam, sine dubio in extre-
ma necessitate te faller. Dicis te in ea religione nihil
malignum contra Evangelium invenire. Sed si peni-
tus introspicias, videre potes in ea religione verbum
Dei reiectum, legendas aureas, et festivia, cum Bul-
lis, Indulgentijs, multisq; eius generis vt plurimum
verbi Divini loco obstrusa. Sed hic campus spaciosus
est, et ocium deest. Spero me opportunitatem nactu-
rum, vt de his rebus fusius ad te scribam. Deus oculos
tuos aperiat, vt videas *abominationes Civitatis illius,*
que super septem montes adificata est: Apoc: 17. Vide
Hieronymum in eum locum. Si in Ecclesia illa Sacra-
menta corrupta sint, num tu gratiam Dei reijcies,
quum servorum suorum oculos aperiat vt corruptelas
illas repurgent. Cave de illa *S. Iohannis* tremenda
sententia: *qui sordidus est, sordescat adhuc.* Dicis si in-
cipias ex alio poculo bibere, &c. Planè oblitus quod

in Romana Ecclesia, tu cæteriꝑ omnes Laici penitus à poculo exclusi sitis, contra manifestum Dei mandatum, *bibite ex hoc omnes*. Tantum Cænæ abusum cum plurimis alijs doctissimi *Romanenses* non potuerunt defendere. Si nos hæreticos vocetis, fugiatꝑ quod tam magnis abusionibus, superstitionibus, erroribus valedixerimus, vt ad purum et sacrum Dei verbum, sacras Christi institutiones accederemus: appellare possumus, à præiudicijs sine charitate conceptis, et cum Sancto *Paulo* dicere possumus, *mibi pro minimo est vt à vobis iudicer, Dominus est qui iudicat me*. Sed periculosum esse dicis nostras audire conciones. Ita dixerunt *S. Stephani persecutores, Act. 7.* auresꝑ suas occluserunt. Sic dixit *Amasias* de Propheta *Amos*: *Amos. 7.* *Non poterit terra sustinere omnes sermones eius*. Similes istis sunt quos *Dauid* assimulat *aspidi, surdæ, obduranti aures, Psal. 58.* Quales multi fuerunt Apostolorum sæculo, quibus celatum erat *Euangelium*, in quibus *Deus huius sæculi excacavit mentes Infidelium, vt non fulgeat illis Lux Euangelij, &c.*

De fulminibus illis Romanis nihil est quod metuamus: terriculamenta illa quæ ad pueros terrendos fabricantur, non sunt metuenda hominibus provec̃tis: *Erasmus* vocat ea *bruta fulmina, &c.* Si in Papa et Cardinalibus qui nos tanta acerbitate execrantur, vel similitudo aliqua fuisset *S. Petri*, et *S. Pauli*; si Sanctorum illorum fervens charitas ad Christi gregem extaret, accurataꝑ diligentia dies nostꝑꝑ pascendi, vnà cum alijs virtutibus Apostolicis. Tunc metuendæ erant illorum minæ: sed humilitatem *Petri* in *Luciferi* superbiam converterunt: paupertatem, assiduosꝑ labores Apostolorum, in *Craſſi* divitias, otium et luxum *Sardanapali*.

Sardanapali. Denique quæ conventio lucis cum tenebris, &c. Promisit Deus *Malach: 2. Benedictiones illorum in maledictiones convertere, qui ponunt, &c.* Vide *Hieronymum Esaia: 3. Qui beatos vos dicunt, seducunt vos, &c.* Quot hominum millia seducantur ab Indulgentiis, quæ ad multa annorum millia excrescunt, si pretium excrescat? Quomodo fratres hospitalis S. *Iohannis* licentias concesserant illis qui sibi violentas manus intulerint, vti ceat illis frui ceterorum Christianorum sepulcra, cum multis huiusmodi adulatorijs figmentis, videt mundus et ingemit: De Aviaæ tuæ vita nihil nisi honestum audiivi. Sed credo illam fuisse superstitiosam. Si te domi secum illa retinuerit ex tenera et naturali affectione tantum, et non vt ab Evangelio arceret, veniam postulabo opinionis non rectæ. Multi tamen putant i. lam avunculosq; tuos suduxisse à te sororibusq; tuis magnam portionis relictæ partem. Sed transeant hæc: quia pro te nihil efficere potui, nec adhuc effecerim: pecuniam illam mihi legatam, sorori tuæ si placet, etiam cum additamento reponam, quia illa mihi videtur magis indigere. Ad Ecclesiam Catholicam quod attinet, Deus mihi testis est, totum cordis mei desiderium esse, et certam fiduciam, eius Ecclesiæ membrum me moriturum. Quod si ex pomposa specie Ecclesiæ Romanæ eo adducar vt probem omnes illas intollerandas abusiones, superstitiones, et idololatrias, quæ Deum honore suo tam multis modis exspoliant, non crederem me membrum esse Iesu Christi. Si nullam sacræ Scripturæ interpretationem proberis nisi quæ Roma profiscatur, poteris facile quicquid placuerit affirmare. Nihil est tam absurdum, tam æterni Dei veritati contrarium, quod

non impuris glossematibus torqueri possit, ut causæ perditæ videatur inservire: cum huiusmodi hominibus nulla est instituenda disputatio. Quod de *Arrio* inferis cum reliquis eius generis, nihil est ad propositum. Omnes enim Scripturæ Prophetarum, una cum alijs manifestis Scripturis ad quas in huiusmodi dubijs confugere debemus, illisq; acquiescere *Arrium* perspicue confundunt, cæterosque eius participes. Consubstantialitas, quod *Græci* ὁμοούσιον dicunt, plurimis evidentibus Scripturæ testimonijs confirmatur. At non ita Transubstantiatio; quæ *Scoti*, *Occami*, *Bielis*, omniumq; Scholasticorum Theologorum ita vexaverat cerebra, ut sæpe numero nesciant, quid potissimum dicant, quod absurditates amoliantur quæ inde oriuntur. Itaque constat esse commentum sine aliquo Scripturæ fundamento. Ita ut *Scotus* (quod et Episcopus *Tunstallus* sæpè numero ingenuè fatebatur,) existimavit, multo melius faciliusq; potuisse Ecclesiam uti commodiore interpretatione verborum in sacra Cæna reverenter cum antiquis Patribus de sacra Cæna loquendum iudicavit Episcopus, et Transubstantiationis opinionem mittendam esse. Illud etiam idem *Tunstallus* et scriptis et sermonibus affirmare solebat, *Innocentium* tertium nescisse quid ageret, quando Transubstantiationem inter articulos fidei posuerit: dicebatq; *Innocentius* indoctis circa se hominibus caruisse: adeo equidè inquit *Tunstallus*, si ipse fuisset ei à Consilio, non dubito me potuisse Pontificè ab eo Consilio retraxisse. Quando Magister *Chedsey* dixerat Catholicos cedere oportere in articulo Transubstantiationis, ego non audivi ipsum loquentem, sed qui audiverat mihi narrabat. Quod autem de eius, aliorumq; incarceratione

ceratione scribis: equidem iudico (quod presentem hanc vitam attinet) quietissimam vivendi rationem illis obtigisse. Nec puto maiorem vitæ quietem eligi posse, si non conscientiae morsus illis molestiam faciat, quia causam sustinent non bonam, sed super arenam fundatam. Quod si vis homines connivere oportere ad tot Romanorum Pontificum supra triginta vitas abominabiles et planè bestiales: potes et Christum etiam reprehendere quod palam aperuit perniciosas enormitates et *Pharisaorum* (qui tum sancti scilicet patres habebantur,) atque etiam Patrum eorum tunc mortuorum: reprehendite etiam *Esaiam*, qui non vult malos dici bonos, denuncians maledictum eum qui sanctum appellat eum qui non est sanctus. Reprehendite *S. Bernardum* qui vocat eos *ministros Antichristi*. Nos meritò excusant ea, quæ alij viri pii scripserunt in hanc sententiam. Reprehendit apertè ea de quibus fatetur turpe esse dicere. *Non aperta venelo*, inquit, *sed aperta redarguo*. Ad quod etiam divino mandato sumus obligati, *Esaiæ* 58. 1. *Ostende populo meo scelera eorum*. Quòd dicis quinque Sacramenta apud nos esse reprobata; non rectè reprobata dicis: nos enim reverenter eis utimur secundum Dei verbum, adeoque, nec nomen Sacramentis tollimus, sicut est Sacramentum generaliter dictum. Sicut erat Lotio pedum, et multa alia quæ nomen Sacramenti in genere retinere possunt, ut et apud Patres retinent. Verum antiqui Patres, et Scholastici nonnulli affirmant Baptismum, et Eucharistiam propriè tantum dici Sacramenta: *Bessarionis* etiam testimonium est; hæc duo sola Sacramenta in Evangelij manifestè tradita legimus. Miror te verba *S. Pauli* ad eum sensum torque-

re,

re, vt ex ijs verbis omnes in Missa ceremonæ stabili-
antur. Quum non ignores earum plurimā partem ad-
ditam multis postea sæculis ab Episcopis Romanis. Le-
gimus etiā Apostolos cū verbis Evangelij, et oratione
dominica consecrassē. Præterea S. paulus iā tū ordina-
verat, vt populus nō solū māducāret panē cū ministro,
(sicut verba eius manifestē declarant:) verum etiam ex
poculo biberent vides istos penitus abstulisse Ecclesiæ
ordinationem illam Christi et Apostolorum. Qua au-
thoritate hoc factum sit ipsi viderint. Autoritatem il-
lam ego nunquam legendo cognoscere potui. Con-
trarium inuenio nempe omnes omnino homines, pro-
hibitos esse, ne quid de verbo ac voluntate Dei mu-
tent in sacris scripturis tradita. Dicis Scripturas pro-
bare orationem pro mortuis, et hoc te benē scire. S.
Hieronymus dicit librum *Machabæorum*, ad mōres nō
ad stabiliendum dogma valere. S. *Augustinum* dicis in
multis locis dubitasse vtrum fuerit purgatorium. Id si
sit dubitabile, non est obtrudendum tanquam articu-
lus fidi, sed relinquendum vt liberum. Nam *fides est*
substantia &c. Heb. 11.1. fides non fluctuare debet, inquit
S. *Iacobus*. *Reffersis* de purgatorio scribit: *Apud pris-*
cos vel nulla, vel quā rarissima fiebat mentio. Et quam-
diu nulla erat de purgatorio cura, nemo quæsiuit in-
dulgentias. Atque ita innumerabilia illa ex indulgen-
tijs lucra nunquam nota fuerant priusquam purgato-
rium fuisset inventum. Quid iam dicemus ex illis Pau-
li verbis nobis innui, *Ex istimantes quæsum pietatem*, si
hoc non sit? Hæc me reatura paverat, et adhuc pas-
cit multos pigros ventres, qui verbum Dei strenuē abi-
gunt quantum possunt. ne pereant porci! Tandem ta-
men præualebit veritas vtcūque illi coniuuerint.

Quod

Quod addis de invocatione Sanctorum: *S. Augustinus* hortatur nos Scripturis potius quam suis, aut aliorum scriptis adhærescere: nec ipsius scriptis acquiescere sine Scripturarum autoritate. Et certè mea in conscientia hoc sedet, nihil esse ex ijs omnibus quæ in controversiam vocantur, quod magis evidentibus Scripturæ testimonijs demonstrètur; quam quòd solus Deus sit invocandus: et per unum Mediatorem, nempe Iesum Christum, *Rom. 10. 14. Quomodo inuocabunt in quem non crediderunt?* In solum Deum credendum, ergo solus invocandus. Distinctio illa de Invocatione et Advocatione, ut si non invocationem Sanctorum, saltem eorum Advocationem probes: inutilis est, quia sicut Christum spoliant honore suo, qui alium Mediatorem quærunt, sic non minus Christo iniurijsunt, qui alium Advocatum quærunt, quia *Christum habemus Advocatum apud Patrem, 1 Ioh. 2. 1.* Et *Esai. 63:* affirmat quod *Abraham ignoret nos.* Equidem credo *Abrahamum patrem credentium* non minus esse sanctum quam alium quemcunq; ex Sanctis in Cælo. Dicis te credere Communionem Sanctorum, quod et omnes credimus. At subinfers te non intelligere quomodo communio Sanctorum esse possit, si non Sancti defunctiorent pro nobis, et nos advocemus illos in subsidium. Atqui Ecclesia Dei longè aliter intelligit Communionem Sanctorum. Nam ex usu communi loquendi sacræ Scripturæ Sancti intelliguntur non defuncti in cælis, sed viventes in terris. Nec ferè perversam Scripturam veteris et novi Testamenti, Sancti nomen homini additum reperies, quin ut eo nomine intelligatur Sanctus in terris vivens. Aliquando expressius loquitur Scriptura, *Psal. 16. 3. Sanctis qui sunt*

in terra, &c. Omnis voluntas mea in eis. Si quis habuit vel habere potuit, Communionem cum Sanctis in cœlo, *David* certè habuit. Hic autem Communionem quam novit, explicat, hoc est Communionem Sanctorum in terris. *S. Iohannes* sic hanc rem exponit, *1 Ioh. 1. 3. Quod vidimus et audimus annuntiamus vobis, ut et vos Communionem habeatis nobiscum, et Communitio nostra sit cum Deo, et Filio eius Iesu Christo.*

1 Omnis Christi Ecclesia Communionem habet cum Ecclesia Apostolica, *ut vos nobiscum Communionem habeatis.*

2 Consistet hæc Communio Sanctorum in prædicatione verbi, in variorum donorum communicatione ad Ecclesiæ ædificationem in publicis et privatis precibus.

3 In precibus autem fundendis Communionem habemus cum Patre et Filio, vel cum Patre per Filium. Nulla est hic defunctorum Sanctorum mentio vel ratio habita. Hæc communio ex verbis sacræ Scripturæ non ultra progreditur, quam ad Ecclesiam in terris. Qui ultra quærunt ambulant in tenebris. Sancti defuncti non vocantur in Scripturis Sancti simpliciter, sed Ecclesiæ primogenitorum in cœlis, et Spiritus in sanctorum consummatorum, *Heb. 12. 23.* Erit nobis cum illis communio post hoc sæculū, sed in hoc sæculo qui quærunt hanc communionem, vel è sacris literis preferant quod dicunt: vel audiant illam Domini sententiam: *Frustra me colitis, docentes doctrinas mandata hominum, Matth. 15. 9.* Fateor si usum nostri sæculi, aut aliquot superiorum sæculorum respicias, Sanctos vocari defunctos: sed non huius aut illius sæculi consuetudo, sed sacræ Scripturæ regula nobis sequenda

quenda proponitur. Sed quid de hac re certamus? Qui pro Invocatione Sanctorum tantopere decertant, concedent nobis liberum esse: scilicet tutissimum est accedere ad fontem misericordiae relictis rivulis. Nec te moveant illi qui dicunt Deo nihil eos detrahere qui orationes suas ad Sanctos dirigunt. Nemo enim magis Deo detrahere potest, quam qui cultum vni Deo debitum creaturae transfert. Nam invocatio est pars cultus divini; hunc cultum nullae creaturae communicat, qui *gloriam suam non communicat alteri*. Quod attinet ad argumenta illa tua, de Imaginibus, de Ieiunio: (quod quidem ieiunium absit, ut velego, vel quispiam neget: Imò potius ad illud omnes exhortamur: superstitionem tantummodo pravaeque opiniones sublatas cupimus.) Cum alijs illis argumentis de reliquijs, exorcismis, in spiritibus scilicet immundis eiciendis, quod quum ad idololatriam ducit, *Pseudo-Propheta* signum est, *Deut. 13*. Ad hæc quamvis omnium facillimè responderi possit, quia tamen otium nunc mihi desit, utpote negotiorum cumulis onerato, quum iam mihi desit Curatus, et parochiam latissimam habeam ad visitandam, et tenue sit corpusculum citò præ lassitudine languens, laboribusque multis attritum: his igitur omnibus de causis responsionem in aliud tempus differendam censui. Si cogitas te nolle *Houghtonam* accedere die Dominico, ne sis parochianis offendiculum: (quæ iam re non reprehendas me si de parochianis meis maximam sollicitudinem geram, pro ratione magni oneris mihi impositi: constatenim Prophetarum temporibus, sæculisque subsequenter omnibus, vulgus pronius fuisse ad superstitiones: et malum facilius crescit et longius

G 2

gius

gius serpsit vno die, quam bona præcepta per mentem integrum.) Proinde illo die Dominico excepto, (nisi fortè in chorum accessurus, quod meo iudicio recusare non debes:) si post diem Dominicum finitum protinus accedas, discedasq; post mediam diei Saturni, hospes mihi gratus eris. Itaque illa quam prætendis excusatio, accessû tuû non debet impedire. Postrema conclusio tua quâvis sicut iam dixi spê fiduciamq; omnem tollere potest ei, qui sit tecum collaturus, non tamen ego cessabo de conversione tua meliora sperare, quàm tu videris de teipso sperare. *S. Paulo* propositum firmum fuit aliquandiu, vt *Phariseus* moreretur, et Christianorum persecutor: Deus tamen ei et potentiae, et misericordiae thesauros servaverat, quo illum ordinaret vt prædicaret gloriosum illud nomen, quod ante fuerat persecutus. Commendo te omnipotentis Dei bonitati, quæ te spiritu scientiae doceat in omnem veritatem. Vale *Houghtone* 14. *Octobris*. 1580. Avunculus amantissimus, *Bernardus Gilpinus*.

Quamdiu *Pilkintonus* Episcopus vixerat, iucundissimam cum eo consuetudinem retinuit *Gilpinus*. Mortuo *Pilkintono* successit *Richardus Barnes*: Is in *Gilpinum* infensior videbatur. Hæc res paulo altius repetenda est. *Gilpinus Oxonium* subinde proficisci solebat, maximè, quum iunior esset, et sustinendis itineribus idoneus. Accidit forte dum *Oxonium* irer, vt puerum per viam cerneret nunc ambulantem, nunc cursitantem. Rogat quis esset, vnde, et quò proficisceretur? Respondit ille se ex *Wallia* profectum, *Oxonium* discendi causa petere. *Gilpinus* puerum examinat, invenitq; in Latinis literis promptum, in Græcis non ignarum,

ignarum. Num ergo placet, inquit *Gilpinus*, mecum proficisci? Ego tui curam habebo. Assensit ille. Puerum ergo primum *Oxoniam* tulit, deinde *Houghtonam*, ubi in Græcis, et Hebraicis literis egregiè profecit. Tandem ad Academiam *Cantabrigiensem* misit. Hic est *Hugo* ille *Broughtonus* in Græcis, et Hebraicis literis capessendis promptissimus, sed homo levissimus. Nam senescente *Gilpino* vtrum sacerdotio *Gilpini* inhians, an ex alia causa ipse *Gilpino* apud *Dunelmensem* Episcopum molestias, et offensiones creasse dicitur: ita ut Episcopus in *Gilpinum* occasiones aucupasse videretur. Dum in Episcopo animi hæc abalienatio nasceretur mittit ad *Gilpinum*, eumq; monuit ut in visitatione loco et tempore constitutis concionem habeat. *Gilpinus* iam paratus erat ad consuetum iter boreale, nempe ad *Tindalenses*, et *Riddesdalenses*: itaque ad Episcopum expedit famulū suū, qui apud Episcopum se excuset, et rationem itineris propositi doceret: orretq; Episcopum, ut alium in visitatione concioni accommodet; multos esse qui in visitatione concionari velint, at apud istos limitaneos nullū esse qui officium illud suppleat, si ab ipso negligatur: se paratum futurum quocunq; alio tempore voluerit ad officium præstandum. Famulus profectus ad Episcopum, redit ad *Gilpinum*: quærit ab eo *Gilpinus*, num exultationem suam ad Episcopum detulisset. Detuli inquit ille. Et *Gilpinus*, quid ergo respondit Episcopus? Famulus retulit, nihil Episcopum respondisse, sed tacuisse. At qui tacet, inquit *Gilpinus*, consentire videtur. Itaque *Gilpinus* in suscepto itinere pergit. Id ubi primum resciverat Episcopus, *Gilpinum* continuo suspendit ab omni munere Ecclesiastico, *Gilpinus* reversus reperit

se suspensum quod minime excogitarat, rem patienter tulit. Episcopus de *Gilpini* reditu certior factus, protinus ad eum mittit, monuitq; vt ipsum vnà cum reliquo clero *Cestria* conveniat. *Gilpinus Cestriam* profectus, invenit Episcopum cum multis ex clero. Omnes in Ecclesiam sunt iussi convenire. Erat cum Episcopo Cancellarius *Iohannes Barnes* Episcopi frater, homo flagitiosus in libidinem, an ad turpe lucrum propensior incertum: is multorum in Dioecesi flagitiorum inspector esse debebat, autor erat: sordidi homines nummis impunitatem redimebant: Episcopus passim malè audiebat. Quum iam omnes convenissent, Episcopus *Gilpinum* ad se vocat: hodie, inquit, oportet te concionem habere. *Gilpinus* se excusat: non, inquit, paratus veni, et suspensus sum. At ego te à suspensione liberare possum, inquit Episcopus, et libero. *Gilpinus* respondit se non audere imparatum ascendere. At novimus, inquit Episcopus, te nunquam imparatum esse; id enim ex vsu concionandi iam consequutus es, vt et subito id præstare possis, si volueris. *Gilpinus* pertinaciter hæret in proposito, non ita Deum tentandum respondit: satis sibi esse, si ex iusta meditatione aliquid præstare possit. Episcopus protinus vt ascendas, ego te iubeo, inquit, sub intuitu canonice obedientiæ. *Gilpinus* paulisper moratus; age, inquit, quum aliter fieri non possit, fiat quod iubet dominatio vestra: et post aliquam moram *Gilpinus* concionem inchoat. Inter concionandum prospexit quosdam non solito more expeditos, qui scriptis excipiebant ea quæ *Gilpinus* protulerat: Pergit ille in concione donec ad exhortationem, et vitiorum reprehensionem pervenerat. Dilabitur tandem ad illa vitia reprehendenda

prehendenda quæ in illa Dioicēsi regnabant, et in ore omnium erant: atque hoc loco, inquit, Reverende Pater, sermo meus ad paternitatem vestram est convertendus: Deus paternitatē vestrā ad huius Dioicēsis curā extulit: Deus administrationis vestræ rationem exposcit; eorum omnium quæ tam inordinatē gesta sunt in hac ecclesiā a Paternitate vestra expectatur commendatio, exigitur ratio. Et ne forte quum tanta flagitia perpetrata esse constet, respondeat dominatio vestra hæc non nescisse, nec ad vestram noticiam hæc fuisse perlata: (hæc verba *Gilpinus* dixerat, quia intelligebat hanc fuisse vſitatam episcopi responsionem: quum homines quererentur de mala Cancellarij administratione; solebat dicere episcopus illa ad suam noticiam non pervenisse: quæ facta sunt infecta fieri non posse: melius in posterum se provisorum, si quæ ad noticiam suam pervenerint.) En, inquit *Gilpinus*, ego hæc ad noticiam vestram produco: ne dixerit dominatio vestra aliorum vitio hæc mala perpetrata, non vestro consilio, nam vestrum est quicquid sive feceritis, sive ab alijs factum dissimulando permiseritis: itaq; coram Deo, et Angelis, et hominibus, ego Paternitatem tuam horum omnium malorum auctorem denuntio: ego etiam in illo stricti iudicii die testis adero hæc omnia ad vestram noticiam pervenisse per me: testes aderunt omnes qui hic me loquentem audiunt. Dum hæc *Gilpinus* intonaret, amicos suos in magnum timorem et anxietatem coniecit: itaque quum finem dicendi fecisset, conveniunt eum amici, et cum lachrimis dixerunt, tandem habet episcopus quod diu quæſiverat: tu telum contra te porrexisti in ipsius manus: si prius sine causa offensus fuerat, quid faciet is qui iam irritatus

irritatus iure suo, vel iuris specie vtetur ad nocendum? Quibus *Gilpinus* respondit, nolite timere; Deus nos omnes gubernat: dum veritas propagetur, et Deus glorificetur, de me fiat voluntas Dei. Post concionem omnes ad prandium convenerant: omnes de *Gilpino* metuebant aliquod malum ab Episcopo, tacitiq; eventum rei expectabant. Post prandium *Gilpinus* ad episcopum accedit, vt episcopo salutato, et valedicto domum redeat. Non ita fiet, inquit episcopus; nam ego te domum tuam perducam: ergo domum redit *Gilpinus* in episcopi comitatu. Quum iam *Gilpini* ædes intrassent, et ad conclave penetrassent, episcopus subito arrepta *Gilpini* dextra, hæc habuit verba: Pater *Gilpine*, agnosco digniorem te esse qui sis episcopus *Dunelmensis*, quam me dignum qui sim rector huius ecclesiæ tuæ: præteritarum offensionum veniam postulo; da veniam Pater: scio quòd pullos quosdam educaveris immorigeros, qui contra matrem calcitrant: sed quoad ego vixero Episcopus *Dunelmensis*, securus esto, nemo tibi molestus erit. Amici *Gilpini*, hoc est omnes boni exultare ceperunt, et gratias Deo agere, et potentem Dei manum agnoscere quod episcopus ei intentus ita divina potentia correctus fuerit, vt quod in eius contumelia à p. imò excogitaverat, cederet ei in honore. *Gilpinus* interea vberimū pietatis suæ fructū tulit.

Postquam senectus ei ingravescere cæperat, erat in oppido *Novi-Castrì Genisonus* qui fratris filium è transmarinis regionibus redeuntem susceperat: *Genisonus* vehementer dolebat de fratris filio quem Iesuitam factum intellexerat, eumq; ad *Gilpinum* misit orans vt iuvenis curam habeat, eumq; a pravis et perniciosis opinionibus si fieri possit, reducat. *Gilpinus* postquam sæpius

sæpius cum eo contulisset invenit hominem abiecta humilitate insolentissimè superbientem, audacia atque impudentia armatum novis atque inauditis glossæmatis sacras scripturas corrumpentem. Scripsit *Gilpinus* ad *Genisenum* avunculum juvenem illum audacissimum venisse ad se non ut disceret, sed ut doceret. Homo inquit magnificum nescio quid de se ipso sentiens sperabat etiam me hac ætate ingravescentem ad absurda quædam agnoscenda allicere. Video *Iesuitas* novas invenisse scripturarum expositiones antea nunquam auditas. Abiecta omni reverentia, audacia grassantur. Audent probare invocationem sanctorum ex *Abrahamo*, *Isaco*, *Iacobo*. Iste pertinaciter tenet Ecclesiam Romanam nulla in re errasse. Errores maxime horrendos de indulgentiis, miraculis falsatis, falsatis reliquijs peregrinationibus, imaginum cultu, de reliquis eius generis hæc omnia iste homo mirificus reperit in Evangelio. Omniaque hæc bona esse et sancta contendit. Ego cum tam horrido hominum genere, qui os suum in cælum aperiunt (nam quid est os in cælum aperire, si non hoc sit sacras Scripturas tam violenter, tam contumeliose tractare?) cum tam horridis ingenijs, nihil mihi negotij amplius esse volo: excogitarunt et quotidie excogitant horrenda glossæmata, quæ nec in Romana ecclesia antea fuerunt audita. Hunc igitur tanquam morbidum pecus ne gregem inficiat missum facio.

Postquam tenue corpusculum varijs laboribus confecerit tandem mortem præsentiens pauperes convocari iubet, ad quos orationem habuit, eisq; valedixit. Deinde et alios. Aegritudinem contraxit, propè finem Februarii, post varias exhortationes ad Scholares, ad

famulos suos, aliosq; tandem placide in Domino obdormivit *Martij 4. 1583. Anno ætatis suæ 66.*

Corpore fuit procero, et macilento, naso aquilino, stitutus erat pretij paulo vilioris. Fulgentes vestes omnino fugiebat. In ijs quæ ad corpus proprium pertinent, partissimus erat et antiquam austeritatem retinebat. In ijs quæ ad aliorum bonum cederent munificentissimus erat, maximè in pauperes et Scholasticos. Ianuam apertam esse voluit pauperibus et peregrinis. Domi suæ Scholasticos aluit vt plurimum viginti quatuor quandoq; pauciores. Eorum quæ domi habebat maior numerus erat pauperum quibus victum, vestitum et educationem in bonis literis præstitit. Convivijs suos parochianos hospitesq; excepit non tantum Saturnalibus diebus vt mos est, sed quia late diffusam habuerat parochiam, magnamq; populi multitudinẽ, convivium exhibuit singulis diebus Dominicis a festo *S. Michaelis* vsque ad *Pascha*. Separatos habuit et velut in classes dispositos generosos, colonos, et pauperes, quos omnes suo ordine excepit. Laudare solebat coniugium in clero, ipse cælebs vixit. In Schola Edificanda, instituenda, confirmanda, et in stipendijs annuis Ludimagistro et hypodidascalo instituendis insumpsit quingentas libras ex ea Schola *Anglicanam* Ecclesiam doctorum virorum ingenti multitudine adauxit.

Non vitia tantum verum et levissimas suspiciones vitabat. Iudicio etiam inimicorum si quos habuit Sanctus habebatur. Fide non ficta, et bonis operibus repletus, Sepulchro tandem sicut accipus tristici tempore suo infertur.

C P 1 X
#59603-22

REPRODUCED FROM THE COPY IN THE
HENRY E. HUNTINGTON LIBRARY

FOR REFERENCE ONLY. NOT FOR REPRODUCTION